


# UMUNTU UKUBUTUKA UKUFUMA KU CINSO CAKWA SHIKULU

 Natukontamike imitwe yesu. Mwe Lesa watemwikwa, tuli abansansa muno cungulo kasuba pali iyi nshita mwatupela iya kulongana capamo nakabili. Kabili imwe Mweka, Shikulu, namwishiba ifyo imitima yesu ilekabila palwa ino nshita ukuti lintu twaiminina ku cinsu ca bantu Benu nakabili pano, kabili nokuleta iyi Mbila iyo ifwe tulemona ukuba iikankala nganshi kabili ilefwaikwa nganshi muli ino nshita. Imwe namutupela ishi nshiku ishinono nomba, kabili twapepa, Lesa mweba temwikwa, ukuti ukuboko Kwenu luse kwalaba pali ifwe, kukututungulula no kutusontelega. Kabili tupeni ifyo fintu ifyo tulekabila, Shikulu, pantu imitima yesu ilekabila ukwishiba Imwe bwino.

2 Tulemona ukusombola kukalamba mwibala, ishabuta, ishapyo, kabili nokwishiba ingano shili ishateyanishiwa pa nshita iikalamba iya kupula. Mwe Lesa watemwikwa, twapepa ukutila Mwalafumya ifipaapa ifili pali ifwe, lekeni tube Mukubapo kwa Mwana nomba, muli ishi nshiku ishinono ishalakonkapo, nokuba abapya aba mu Bufumu bwakwa Lesa.

3 Paaleni ulwimbo lonse ulwalimbwa. Paaleni ipepo lyonse, kabili mwasuke na onse uwalapepelwako, Shikulu. Pususheni bonse abaluba. Iteni bonse ukubwela ku ng'anda iyakwa Lesa wa mweo, kabili nakwi senge, bonse abo ababwelela kunuma.

4 Twapepa, mwe Lesa, ukutila Imwe mwalaundapa umuntu onse umulwele uwishile muno mu cikulwa cesu. Cifikilisheni ico, Shikulu. Peba naangu umo uwanaka pakati kesu panuma yakulongana uku.

5 Kabili, mwe Lesa, nomba palwesu, ifwe fwebalanda muli ino nshita ukuba i Chalichi, ica-Baitwa, nabonse abo abaitwa mwi sonde abo abaisa ukufuma mu Babyloni kabili ukuba abakumako kuli ili senge lyawama muli buno bushiku bwa kulekelesha, twapepa, mwe Lesa, ukutila Mwalapala imitima yesu mu musango waba ifyo. Tuli nensala icine cine, Shikulu, kabili abataluka kufintu ifye sonde fyonse, filya ifyo twaishiba. Shikulu, natubika lubali conse icafina ico icitucusha bwangu, kabili nomba lekeni tubutuke ulu ulubilo no kutekanya, ulu ulwabikwa kuli ifwe. Fikilisheni ico, Taata. Kabili lekeni tube abaisulamo ukucila, abakosa ukucila, abena Kristu abawama, pampela ya kuno kulongana, ukucila pafyo twaciba lintu twacingila. Lekeni Lesa apokelele ubukata bonse, pantu twaipusha ico mwi Shina lyakwa Yesu. Ameni.

<sup>6</sup> Ndetontokanya iyi ni nshita iikalamba, munshita ino iyabushiku, iyo Nalolelapo pa nshita iitali. Ubushiku bumbi Naleeba umukashi wandi, Natile, “Ndomfwa sana umwenso, ilyo ndelolela ukuya ku kwi hema.” Ndomfwafye. . . Nalikwata ifibusa fimbi, ifyo fine, Nalikwata, ukushinguluka isonde lyonse, lelo palibapo icintu cimo pali lino i hema.

Nafumishiwe muli ulu lukungu pano, lintu Lesa ampele umweo pano pe sonde; kabili Ndetunganya, nga cakutila Ena akokola ukwisa, Ndi nokushikwa pano pene pancende imo. Lintu Ena akesa, Ali nokunsanga pano pa ncende imo.

<sup>7</sup> Lelo, cilemoneka kwati, palipo icintu cimo, lintu Natendeka ukutontokanya palwa Jeffersonville. Ubushiku bumbi Naumfwile ukuba inkumba bulili; Nalandile kumukashi wandi, Natile, “Ndefulukwa ku ng’anda, kabili Nshishibe ico Ndefulukila ku ng’anda, kano nga cakutilafye nibalya abantu balempelako.” Natile, “Ukuba, Ndi no. . . Icintufye cimo ico Njishibe ukucita kubwelelamo nokuya kwata inshiku shinono ishakulongana, mwamona nga tatwanga kwata icintu cimo ukufuma kuli Shikulu, limbi Ena alefwaya ifwe ukwishiba ifintu fimo.”

Kabili nesambililo ilikalamba, ilikankala tukwete kuntanshi yesu nomba lili *Icupo No Kulekana*. Kabili nga cakutila kuli ilipusho, kufwile kwaba ubwasuko. Teti kube ilipusho kano ninshi kuli ubwasuko. Temulandu nefyo cili, kufwile kwaba ubwasuko. Nga cakutila Shikulu atemwa, Ndefwaya nkeshe ukulanda pali ico, pa Mulungu ulucelo.

<sup>8</sup> Kabili nomba, ubushiku bwa mailo, Ndetontokanya ukutila tulingile ukuba pano pa. . . Bushe lilya isukuulu balita shani? [Munyina Neville atila, “Parkview.”—Kale.] Iculukwa cikalamba ica Parkview. Ni cinshi, mukwai? [“Parkview Junior High.”] Parkview Junior High. Ni banga abaishiba pa ncende pantu lyaba? Ukuba, Ndetunganya bali nokukwata ifyakumwenako kulya, bushe tabakacite, Munyina Neville? [“Ee.”] Lyaba. . . Lyena lyabafye mupepi napano kwati—kwati mupepi na mailoshi imo, kabili kuli nokuba icaku mwenako. Imwe kukoneka, ukufuma mu musebo. Cena cikulwa icisuma, icukulwa ukuya pamuulu. Calikwata incende umu winga fungulula ukuboko kobe, nokulemba ifintu ifyo ulefwaya ukulemba, kabili—kabili—kabili ne fintu. Kabili Ndi uwa shininkisha ukutila mukomfwa bwino mulya ukucilapo ngefyo mwingaba, kulaba kwati kutitikana mu kulongana muno mwi—mwi hema. Kuli nokuba incende iikulu, iyakubikako ba motoka.

<sup>9</sup> Nomba, Ndetontokanya balikwata ifunde linono ilyo ifwe tufwile twalaya ukukonka, ilyo lyaba, ukukana isa mu ncende mpaka sikisi-sate. [Munyina Neville atila, “Tekufika palya pa faifi-sate; tekufika palya ilyo faifi-sate tailafika.”—Kale.] Kabili

ni nshita nshi . . . [“Ifibi fisuka pa sikisi-sate.”] Nincetekela lyena litontonksnyo ilisuma kuli ifwe ukuba palya pa sikisi-sate.

Nomba, bena balikwata icikulwa icikalamba cimbi pano muno mu musumba umo umwikala abantu amakana mutanda. Nga cakutla twaba abantu abasuma pali kuno kulongana, bena limbi kuti batupela cilya cimo ku nshita yaku ntanshi pakulongana ukukalamba, limbi muinshita yakuntanshi muno lusuba lintu Nkabwela ukufuma mu fyalo fya kutali.

<sup>10</sup> Kabili eico Ndetontonkanya kuti twaikala ukufika pa . . . Nibanga abo twinge kalika mulya? [Munyina Neville atila, “Kuti twaikalika nalimo amakana yane.”—Kale.] Amakana yane. Eico, mwamona, tuli nokukwata incende iikulu. Takwakabe ukubutukila. Kabili eico mukese pa sikisi-sate. Kabili nomba umuntu onse kuti aisa pa nshita iyalinga, abantu bonse capamo, kabili Ndi uwashininkisha muli—muli nokukwata ukwikala ukusuma. Kabili cena caculwa ukuya pamuulu kwati nge *fyo*, kabili—kabili ne ncende pano apo imwe mwingalembela amashiwi mulefwaya ukulemba, nefyaba ngefyo. Kabili ico cikatampa, nga Shikulu atemwa . . .

<sup>11</sup> Ndetontonkanya nomba, mu nshita ino iyabushiku, buno ukuba ubushiku bwapali Citatu ubwa kulongana kwa mapepo, natukwata . . . Incende ilifye mupepi no kwisula, eico Natontonkanya ukutla limbi kuti twatampa mailo ubushiku. Twasonkele mwisubilo lyakuti limbi, nga twaba abalinga ukucilapo pano, kuti twaya kulya. Lelo Nincetekela cena . . . kuti caba icisuma ukuya pamuulu, bushe tauletontonkanya ifyo, Munyina Neville, ukuya pamuulu mailo ubushiku? Kabili nibanga abaletontonkanya ukutla ilyo lili nokuba itontonkanyo ilisuma? Kabili nomba muli nokukwata incende i—iikulu. Cena—cena calisonkelwa kale; cena cali lipilwa kuba bwananyina bamo muno mu chalichi. Cena catusendele ama dolla amakumi yasano pa bushiku bumo, ico icili nganshi, nganshi . . . Kuti Natemwa ukukwata cilya ukuli konse, kuti baikalamo abengi muli ulya musango pama dolla amakumi yasano pa bushiku bumo, icikulwa icipyia, apakwiminina apasuma. Kabili, lelo tuli ba . . .

<sup>12</sup> Ifyo fine, tuli nokupela umusangulo, Ndesubila. Kabili tatulefwaya balya abaume ku kulipila cilya abene beka; tukalipila pa . . . tukaba bwessha. Lintu tukakwata ifya kulipila fyesu ne fintu, ukuba, nomba, ifyo fine, kuti twaleka ukusenda umusangulo. Tatu . . .

<sup>13</sup> Nga kuliko abeni pakati kesu, twalipanga lilya ukuba ifunde, ukukana lomba lomba, ukulomba, ukusunka abantu pa ndalama. Tulapishamo imbale iya kusangwilapo, ico cabafye . . . Ico cabafye imicitile ya bukapepa. Nalicesha, inshita ishingwi, no kukana pishamo imbale iya ku sangwilapo, nakalya, lelo tacibomba. Mwamona? Pantu, ukupela caba fye iciputulwa ca

bukapepa bwesu. Cena caba iciputulwa ca mulimo wesu. Te mulandu nangu kali kobiili, nangu conse ico cingaba, nangu penni, cena conse cilifye bwino. . .

<sup>14</sup> Eico muleibukisha, Yesu amwene mukamfwilwa alepita, ubushiku bumo, uko abantu abakankala balebikamo ifingi ifya fyuma fyabo umwakusangwila. Kabili noyu mukamfwilwa alipitile, nalimo nakalibumba akanono aka bana abansala abaleenda ku mbali yakwe, kabili apele fyonse ifyo akwete, ama penni yatatu. Kabili Yesu atile, “Nani uwapele ifingi?”

<sup>15</sup> Nomba, nga cakutula epo Nali palya, nga Natile, “Wicite co, nkashi. Ifwe—ifwe, lolesha, ifwe twalikwata indalama ishing’i.” Lelo Ena tatalile mukanya. Mwamona? Ali—Alishibe Alikwete icintu cimo icikalamba ku ntanshi yakwe kumpela ya musebo. Eico, mwamona, nangu cibe fyo, alikwete ing’anda mu Bukata, uko kuntu aleya. Kabili Tatalile ukumulesha. Amulekele abikamo ama penni yakwe yatatu, pantu cena califye ni ena uwalefwaya ukucita ico. Kabili afwaile ukucita cilya; pamo nabana, kabili mukamfwilwa, kabili na ma pennifye yatatu aya kwikalilapo. Ena, ena alefwayafye ukucita cilya. Eico, mwamona, ilyo abantu balefwaya ukupela, mulingile mwabapela inshita iyakucita cilya.

<sup>16</sup> Lelo Ndetontonkanya pali aba beminine, na bantu ukusosa, “Nibanani abalapela ama dolla amakumi yasano? Nibanani abalapela ama dolla amakumi yabili?” Ndetontonkanya ico calaba ku—ku mano yenu. Nde—Ndetontonkanya ukuti abantu balailuka ukuti cisenda indalama ku—kukwata u—ukulongana. Kabili tekuti Mbalekelele ukuti bacite icintu ca musango uyo, ba maneja. Natile, “Inshita iili yonse ilyo mulefwaya ukucita ico, lyena ninshi ninshita kuli ine ukubwelelamo kwi hema. Eico, tatulingile ukucita cilya.” Lelo Nda—Ndatontonkanya ukuti tufwile ukupishamo imbale ya musangulo, pa—pakutula twinga kulenga kube ukulongana ukwapwililika ukwa bukapepa.

<sup>17</sup> Kabili eico nalimo bali nokula bali nokula pishamo akabale akanono akamusangulo cila nshita ya bushiku, ukulanda icapala nga, “Ukuba, twalapela umusangulo nomba.” Kabili bali nokulapishamo imbale ya musangulo, kabili iyo ili—ili nokuba impela yaico.

<sup>18</sup> Kabili cila bushiku munshita ya bushiku, Shikulu nga atemwa, Ndetontonkanya Shikulu nabika pa mutima wandi i Mbila iyalinga nganshi iya Chalichi. Nali mu mapepo inshiku ishing’i. Kabili Nshaye muli ico, pantu icintu icakupapusha icikalamba cali citika ubushiku ubwafumako ico icali icikalamba nganshi. Kabili Ndi uwafwaisha nganshi ukumweba pali cena. Kabili nomba, isambililo iline line, Ndemona, ilyo abengi muli bena, Billy atile, ilyo bepusha, lyaba ni pa *Cupo No Kulekana*. Ilyo, lyena likalamba—likalamba isambilisho, kabili Nsha—Nshaishibe nefya kulileta. Kabili Naliile pa

muulu no kupepelapo pali lyena, kabili Shikulu ankumenye. Kabili Ninjishiba ukutula Ine, ukupitila. . . Nshikwete, lelo Lesa nalipela kuli ine; Nindikwata nomba. Lesa nampela ubwasuko ubwa cine, mwamona, mwamona, kabili Ni—Ninjishiba ukutula ico e cine.

<sup>19</sup> Kabili eico Nshilati njishibe bwino bwino, limbi, pa Mulungu kuti Naipusha ba nkashi ukukana sangwakofye mukulongana, palwabo, lelo Ine—Ine nshishibe. Cena cili nokuba ku banakashi abaupwa nga cakutula bena balefwaya ukwisa pamo nabalume babo. Muli—muli ifintu fimo ifikankala nganshi ifilingile ukusoswa, icine pali fyena, kabili no mulandu. . . Kabili eico tulefwaya ukucileta mukupwililika, ica EFYO ASOSA SHIKULU, nomba ninshi mwakwata cena. Imwe muli nokwishibafye nomba ico icabe i Cine. Kabili Ndecetekela Ena ukucite co.

<sup>20</sup> Kabili, nomba, Nali pano pa cikulwa cakulilamo ubushiku bumbi, nalelya, na—na Jerry kabili na bonsefye balefwaya imwe bonse. Batile, batile, “Ukuba, ifwe. . .” Bamo, umo pa balumendo aliminine, atile, uyu muntu atile, “Ndino nokuba bwino uno mulungu,” atile, “bali no kukwata. . . Nangu, iyi milungu ibili iikankapo.” Atile, “Bena bali nokukwata u—umusonkano kuno, uwa mupila wa basketball, nangu icintu cimbi.” Atile, nomba atile, “Branham ali pano, ali nokukwata umusonkano.” Atile, “Nkalisha abantu bonse.” Pa Ranch House, incende imo pa ncende ishaha kulya. Kabili bena bali. . . bali abasuma nganshi.

<sup>21</sup> Kabili Ndemitotela bonse, pantu mucine bali lumbenye no kusosa ifisuma pali imwe.

<sup>22</sup> Ba manager kulya ku Ranch House bali nkumenye ulucelo ulwa fumako. Nafikile nalimo pa two-sate, ukufuma ku Arizona. Kabili atile, “Ukuba, Munyina Branham,” atile, “Ning’umfwa ukutula uli no kukwata ukulongana na kumbi.” Atile, “Ninkwata ubwafwilisho na bumbi,” eflyo aselele. Kabili atile, “Elyo Ndefwaya ukusosa icintu cimo, ukutula abo abantu abafuma kwisamba kulya,” atile, “bena mucine bantu abasuma.” Nomba, ico canengele ukumfwa bwino nganshi palwa imwe, mwamona.

Pantu, nangu cibefyo, Ng’umfwa ukuti imwe muli bana bandi, kabili Ine—Ine. . . nangu, abana, ntile. Eico kanshi Ine. . . Akana kemininako imbushi, kabili tamuli mbushi. Muli bana bandi aba mpaanga. Caumfwika shani ico? Muli bana ba mpaanga abakwa Shikulu abo Anenga ukulisha. Kabili Ndesubila ukutula ico cikaba—cikaba. . . cilya Ali nokunenga ukucita cilya. Tuleya mukati ka bulendo.

<sup>23</sup> Kabili palwa *Cupo No Kulekana*, lyonse Nalefwaya ukulanda pali fyena ukutula lilya line Ifikakatikilo Cinelubali. Namwishiba, ifya nka-. . . Ifyankama fyonse fyali nokwishibikwa muli fyena ukwisula fyena, ukwisula

Ifikakatikilo Cinelubali, ifyankama fyonse muli Baibele. Kabili Ndetontonkanya nomba, ndeya ndekula, Nde—Ndetontonkanya Ine . . . Natontonkenye ukutila kuti cawamishapo Nafibika pa tepu, nangu icintu cimo calicitike kuli ine, elyo limbi i Chalichi kuti capapa, “Kuti lwapapa icali mu mano yakwe? Finshi ali no kusosa?” Kabili na yonse yalya amasambililo ayo aya moneka ukuba ayakosa nganshi; Ndetontonkanya, ukupitila mu . . . mubwafwilisho bwa kwa Shikulu, Ndinokwasha ukufileta kuli imwe. Kabili nomba—nomba nga cakutila icintu cimo cacitike, kabili nga cakutila Ndi nokuya kulya lintu Talaisa, imwe mu—mukafikwata mukafikwata mufyasungwa nomba.

<sup>24</sup> Ndetontonkanya natukwata ama buuku yamo ayapya ayafumine. Nimona Nkashi Vayle; Nshishibe nga cakutila dokota nga ali muno nangu iyo. Bushe ali muno, Nkashi Vayle? Nalimo limbi emo ali mukulongana. Nshilemumona. Lelo, oh, ee, kunuma kulya. Kabili Munyina Vayle ali lemba ibuuku, kabili lyaba lya . . . Natontonkenye, Ndecetekela bacilande lelo, yabili. Munyina Vayle, bushe ico cishinka, namukwata yabili muno nomba? Ama buuku yabili. Nomba, Nshishibe, Ine . . . Umusango Ndeumfwilamo, ukutila cila muntu ali nokukwata limo. Eico Ine . . . Nga cakuti imwe . . . Iyo e nshila Njishibilemo. Limbi kuti naba uwaluba pali ico.

<sup>25</sup> Kabili nomba *Inkulo Shama Chalichi Cine lubali* shalipwishiwa (Bushe ico nacilungama, Munyina Vayle?) kabili nomba balefumya. Kabili Ninjishiba ukutila kuti mwayakabila ukuyakwata, pantu yaleyasuka amepusho yenu ayengi ayo mwakwata mu mitima yenu. Kabili nomba panuma ya ico, ukuba, tuli nokwasha ukukwata *Ifikakatikilo Cinelubali* ukwisulwa, na mwishiba, mwi buuku, pakutila cila muntu nga belenga mu musango bale—balefwailamo, pakutila mwingofwikisha no kufisoma. Ndetontonkanya lintu lyena lyalembwa, nga cakuti lyena . . .

<sup>26</sup> Mukubalilapo, twasendele ukulifumya pali tepu, mu musango lyena lyalembelwemo nangu ukulandwa. Namwishiba, kuti washimikila imbila, cintu cimo, elyo kabili ukulembe ibuuku mu cintu cimbi. Mwamona, kwati limbi Nasosafyepe sambililo, ngefyo Ningasosa kuli imwe, kuti mwaumfwa, nga Natila, “Nomba, ulubuto lwa nsoka,” mwamona.

Ukuba, nomba, kabelenga wa lilya ibuuku, nga cakutila imwe mwafunyamo ico, kuti asunguka, “Bushe ulubuto lwa nsoka nicinshi?” Mwamona? Kabili bena tekuti beshibe. Nga cakutila ico cacitike ukuya muncende kwati iyaba kwati Princeton nangu incende imbi kumo, kabili bena—bena kuti batontonkanya ukuti ifwe tatwali abantu ba amano.

Eico, Nabulile Munyina Vayle uwakuti angafwilisha neci kabili nokusungilila pe tontonkanyo limo line, no kulemba amashiwi bwino. Kabili mucine imilandile Yandi kuti ba . . .

Kuti yaba icankama kuli bena, ukushininkisha bwino. Eico . . . Munyina Vayle alishibisha nganshi pali ico, eico ena aba nga . . .

<sup>27</sup> Elyo kabili, muli ico, Ndetontokanya munyinefwe umusuma ali nokuleta ukunono ukwacilapo, munshila iyo, kabili atile ali no kulemba amabuku nayambi ayakwe umwine, ukufuma muli yena, kwati. Eico kanshi alembele limo ilitwa, Ndecetekela, *Kasesema uwa Mu Twentieth Century*, kabili nalimbi, *i Chalichi camu Laodekeya*, Ndecetekela, nangu icintu cimbi icaba ngefyo.

<sup>28</sup> Kabili Billy anjebele ukutila, lelo mu nshita ya bushiku, Nincetekela ukuti amakana ayengi aya yena nayafika ileelo; umuntu umo aciyaleta ukufuma ku Texas. Kabili eico, yena, yaleba pano. Kabili bale bilisha, Ndetontokanya, ifyo yena. Ndetontokanya yena yalilipilwa. Nshili uwa shininkisha. Kabili nge ifyo yali, yakapelwa kuli imwe, mwamona, nayo, ubupezwe. Kabili tulesubila muli nokusangalala muli yena. Kabili nga mukayomfwa bwino, mumuposhe Munyina Vayle kunuma kulya nokumweba umusango imwe muletotelamo pali ico. Nshilati mbelengapo, palwandi. Nga cakuti Nayabelenga, limbi kuti Napilibula amano yandi pali ico, Ndi nokwasha ukuyabelenga uyu mulungu nga nakwata inshita, Ndi nokubelenga.

<sup>29</sup> Nomba Ileelo ukuba pali Citatu pabushiku pakuba pali Citatu ubushiku, ukulongana kwesu kukesulwa mailo ubuhshiku. Lelo Ndetontokanya, pakuba pano pakati kenu, Ine—Ine—Ine tekutifye njikale pa ng'anda kabili—kabili ninjishiba ukutila bonse imwe mwali pano. Ine . . . Kwatifye, namwishiba, kwati nibamo balupwa wenu nga baisa, namwishiba, kabili imwe mwabutukila ukufika ku mpela ya musebo mukubakumanya, namwishiba. Kabili—kabili Ine—Ine nacistontokanya ukuti Ningilefye ukwisa no—no kumisengela kuno ku Jeffersonville. Kabili eico uno mulungu wapwile Ine palwa . . .

Iyo, Njeleleniko, pena palipita kwati imilungu itatu, mfwile Nabwelela ku ng'anda. Nalifuminepo ukwasha uku . . . Nali mu kulongana ku Arizona kulya, kabili Nimbwela muktutusha. Kabili Naile pa bulendo mu kulunga, kabili Ine—Ine nalipokele ilyashi pa nkalamo yatekwa no buteko bwa Arizona. Nali ibutwishe mukati ka mitengo ama mailoshi amakumi yabili ukufwaya ukuipaya.

<sup>30</sup> Lelo nomba ukutontokanya, nangu, cilya Nshatalile ukucitontokanya ilyo Nali umulumendo . . . Ukulangishafye ifyo ifi fintu ficitika, incende inono iyo Shikulu atupela kulya lubali, pa myeshi iyo twaikala kulya, kabili ne sukuulu lya bana.

Nali umulumendo umunono. Ndesubila Jimmy Poole ali muno ino nshita ya bushiku, limbi ba wishi bali muno, ba Jim mukalamba. Twaleya kusukulu capamo, kabili Ndeibukisha

ukwikala palya, ngaka mulumendo kamo akamifwalile ishalondoloka, ne nsapato, insapato sha tennis ku molu, ne fikondo nafifumina kunse; naashime ipepala kuli umo, na pensulo kuli umbi.

<sup>31</sup> Nalelemba imishikakulo. Kabili ba Misisi Woods, pano, bacilafwaya ine ukulanda cilya muno cungulo kasuba pali tepu, palwa Ford yandi iyakale, namwishiba, kabili yena—yena isuma. Nomba, atile, “Ukuba, imwe mulingile ukutuma ilya kuli ba Mista Ford.”

Natile, “Palibapo icine icikalamba, Ndecetekela,” pa cisekese ku ntanshi, kabili no kulakwesa ku numa, kabili na mapinda ya ma Chinese palwa ca kwensheshako ca kunuma. Lelo Ine...Caba—caba ni...Lelo lyonse Ndalanda ukuti, icintufye cimo ico Mfwile ukucita kupenda amatayala yane, kabili ukusunkanya ukwalinga aukutula yena ilile nokwingilamo muli yena. Natile, “Cena caliwama lintu Ine natampa ukunina ulupili nayena, kabili ukuyafye ileenda panono-panono, ndelanda ukuti, ‘Ndetontonkanya kuti Nacita, Ndetontokanya kuti Nacita, Ndetontonkanya kuti Nacita.’ Nomba tampa, ku lubali lumbi, iletila, ‘Naletontonkanya kuti Nacita, Naletontonkanya kuti Nacita.’”

Uyo e musango tuninikilamo ulu ulupili, kwati *Balebeshi baleya Kuntanshi*. Eico ifwe. . .

<sup>32</sup> Nalikwete umushikakulo unono untu Nalembele, icintu cimo icapala ngefi. Kabili natile...Nomba, mutontokanye fye, Nalifye nemyaka yakufyalwa ikumi limo naibili. Kabili naliiminine palya, ubushiku bumbi, ukulalolesha pa mukonko pakati ka mpili palya; kabili natontonkenye, “Ilya inkalamo ikala muno mwine mu lucengo naloleshe pe window,” pe kalashi lya pe window. Naletontonkanya pa kamushikakulo unono. Nabwelelemo ukuya ubula, icintu cimo kwati nge fi. Uku tontontonyafye umusango untu Lesa Lesa. . .

<sup>33</sup> Bushe mulecetekela Lesa aba mukusubwa konse? Lesa alalemba ulwimbo. Bushe mulecetekela Lesa aba mu nyimbo? Yesu efyo alanda. Asontelele ku numa kuli Davidi, “Bushe tamwaishiba ifyo Davidi alanda musha Malumbo? Mwalishiba, tatala. . .”

<sup>34</sup> Lolesheni pali kulya kwine ukutanikwa. Davidi aimbile lwena, mu Malumbo 22, “Lesu Wandu, Lesu Wandu, cinshi Mwandekesha Ine? Amafupa Yandi yonse, yena yatonta pali Ine. Yapita mumaboko Yandi na mumakasa Yandi.” Namwishiba, kabili lulya lwali lwimbo. Amalumbo yena—yena lwimbo.

<sup>35</sup> Kabili muli uyu mushikakulo, imwe monenifye ifyo cena caishile fikilishiwa. Ukwikala palya, umunono umukalamba umwaice ukwikala palya nepepala lyakwashima, Natile:



Ine ndi uwankumba bulili nganshi, oh, pali  
kulya ukutali ukufuma ku southwest,  
Uko ifinshingwa fimonekela nganshi pa mulu  
walupili.

Kuti namona mumbwe wamu mpanga  
nabelamina muli fubefube uwabutulukila,  
Kuti naumfwa umumbulu wamumpanga  
ulelilila apo insansala shilelya.

Kabili palya pa muulu kuti Naumfwa  
inkalamo ileikankansa,  
Kulya ukutali mu Mpili sha Catalina ku mpela  
ya Arizona.

<sup>36</sup> Panuma ya myaka amakumi yane, ninshi Naikele palya pene pamuulu wa mukonko, ilya inkalamo yalelolesha pa cinso candi.

O mwe Lesa, kuli Mpanga ukwabuka umumana umo kuncende imo, mwefibusa. Fyenafye. . . Fyena filingile ukubako kulya. Mwamona? Kwabafye—kwabafye ukulanda apakalamba palwa ifyo. Fyonse ifi fintu tafyaba ifyakutunganyafye; fyena fyaba. . . Fyena fyaba ifyacine. Fyaba ifituntulu. Ndi uwansansa ukuba pano munshita ino iyabushiku, ukuba pamo naba bantu abo Nde enekela ukwikala pamo nabena Kulya umuyayaya pamo, kulya ukushakabe nakabili ukulwala, nangu imfwa, nangu ukulekana. Kabili nokwenda takwakabe nangu cimo kuli ifwe lyena.

<sup>37</sup> Nomba, Ndetontokanya ukulongana teti kube ukwapwililika ukwabulo ukubelenga i Cebo kabili nokukwata aparono. . .

Munyina Neville, Ine nacendafye ukwisa pano. lelo Billy acinjeba ukutila iwe ulefwaya ine nshimikile. Bushe ico cishinka, Munyina Neville? [Munyina Neville atila, “Ameni. Ee. Icine cine.”—Kale.] Ine limbi kuti kwaba ukusenda ifyo fine, lelo Ine—Ine nacumfwafye ubusuma palwa ico.

Eico, nomba, imwe mwe bakwete inyimbo ne fintu, mumone Munyina Neville mwishibe lintu mwalaimba, kabili nomba kuti mwacita ico, palya lubali. Kabili namukwatafye ama mineti citika wa ora umo ukubalilapo ukwimba, kabili twingile mukushika muli ishi Mbila no kumona ifyo Shikulu alatucitila. Kabili Nincetekelafye. . .

<sup>38</sup> Ni—Nincetekela ukutila twalikwata Icine. Ndomfwa bwino pali ico. Ine nalicetekela ukutila ingano shaba mukupwililika lintu ifikapa fyafumako kuli shena. Imwe namwishiba. Kabili, mwamona, kabili kuti Napela ubulondoloshi ubunono pali cilya mailo mu nshita ya bushiku, mwamona, muli nokumona ifyo ifikapa fikafumako ku ngano. Lelo ingano shifwile shabapo mu Kubapo kwa Mwana, ukuti shipye. Kabili ici eco tubelele muno, cibusa, ikala mu Kubapo kwa Mwana mpaka ibumba lyesu ilinono ilya bantu pano, mpaka lyaba ilyapisha kuli Kristu,

mpaka shena shasanguka umukate pe tebulo Lyakwe. Ico eco Ndefwaya ine ukucita.

<sup>39</sup> Kabili nomba ilyo tatulapalama ku Cebo, panuma ya kupituluka mu mishikakulo, nefili ngefyo, ka tupepe nakabili. Nomba twalabula isambililo.

<sup>40</sup> Mwe Yesu watemwikwa, twafwilisheni munshita ino iyabushiku nomba, muli aya amashiwi ayanono, ilyo tulelolola pali Imwe. Kabili twapepa ukutila ukusenamina Kwenu noluse fyalaba pali ifwe, Shikulu. Kabili wamyeni imitima yesu; fumyenimo ifikapa fyonse, imyunga, na bacilasa, lekeni akasuba akapalwa akakwa Lesa kasanike pa Cebo cenu, Shikulu. Kabili lekeni tukwate ukulongana ukukalamba ukwaba ifyo mpaka peba nangu umuntu umo pakati kesu uushapusuka, bonse abana bali nokuba mu Bufumu bwakwa Lesa. Balya abashakwata ulubatisho lwa Mupashi, lekeni ba Lupokelele, Taata. Lekeni ifyankama fyonse ifyo tufwile ukwishiba pali iyi nshita, Shikulu, fisokololwe kuli ifwe; Kabili twalamona bu pambibilili ubwakwa Lesa, pakutila ifwe twingeshiba ifya mibele isuma pakati kes nokucita, ukuilungamika palwesu nokuleta ifilundwa fya mibili yesu mukumfwila ku Cebo, ukuti ifwe twingeshiba ifyo tufwile ukwikala yesu buno ubushiku pakupalamina kwakwa Shikulu Yesu.

<sup>41</sup> Ilyo Ndebelenga i Cebo Cenu munshita ino iya bushiku, Shikulu, Ine limbi, muku sambililo kwandi ukunono, ningaba uwakubelenga mumashiwi yamo, kabili limbi ukukana landa bwino bwino amashiwi yambi. Lelo, Shikulu Lesa, Imwe mweka nimwe mwingaleta ukufumya umutwe mulya. Nimwefye Mweka mwebengacita. Takuli—takuli inshila iyo umuntu enga citilamo ico; cena cili mumaboko Yenu, Shikulu. Eico peleni kuli ifwe, cila bushiku, ifyo fintu ifyafiswa mu Cebo Cenu, ukutila twingaba abena Kristu abasuma nokwikala umwabela inshita tuleikalilamo, nge fyakumwenako fya bwina Kristu. Twalombela mwi Shina lyakwa Shikulu Yesu. Amen.

<sup>42</sup> Nomba, mwebengi imwe, muli ba Baibele yenu, Ndefwaya imwe mwisule mwi Buuku lyakwa Yona. Cena caba... Ifwe lyonse tulalanda apakalamba palwa kwa Yona ukuba uwaponene na fyonse ifintu. Ine lyonse naba ku lubali lwakwa Yona. Ine nshacetekela ukutila Yona alibwelele kunuma. Ine—Ine nshacetekela ico. Nacetekela ukuti cenafye... Ifwe inshita shimo shimofye tulabomfya ico, ukutila, “Ena ni Yona.” Lelo nga cakuit ifwe... Ine kale ninanda pali ico, munshila imbi, mukumyeba ifyo Ine natontonkenye pali, Yona, pafya citike.

*Nomba icebo cakwa SHIKULU caishile kuli Yona umwana wakwa Amitai, aciti,*

*Ima, kabili kabiye ku Nineve, ulya umusumba ukalamba, kabili kashimikile palwa wena; pantu ububi bwabo na bwisa ku cinso candi.*

*Lelo Yona aimine nokubutukila ku Tarshishi ukufuma mukubapo kwa kwa SHIKULU, kabili nokuya nokutentemukila ku Yoppa; kabili asangile ubwato buleya ku Tarshishi: eico alipile umutengo wauko, kabili aingile panshi muli bwena, ukuya nabena ku Tarshishi ukufuma mukubapo kwakwa SHIKULU.*

43 Bushe iyo te mpela yabulanda? *Umuntu Ukubutuka Ukufuma Ku Cinsu Cakwa Shikulu*, kabili ili e sambilisho lyandi.

44 Nomba, mukubalilapo tulefwaya ukutontokanya pali ici. Yona ali. . . Umulandu, umulandu wine uukalamba, untu Ine nacetekela ukutila acitile ici cintu icikalamba pano, cali ni pamulandu wakutila Yona ali mu Yuda. Kabili ena ba mwipwishe ukuya ku musumba wa bena Fyalo, ukuya shimikila nokukalipila wena; ukutontokanya ukutila ena tekuti bamupokelele. Pantu, abena Fyalo kuti batontokanya ukuti, “Cinshi ico uyu umu Yuda akwete icakucita pamo naifwe?” Lelo, mulemona, icintu cimbi, ciletupela icintu cimbi icikalamba icakumona, ukutila Lesa te Lesa waba Yudafye, lelo Ena ni Lesa uwabena Fyalo. Ena ni Lesa wa bantu bonse.

45 Asalilefye aba Yuda. Aba Yuda baleitwa abantu abasalwa bakwa Lesa. Basalilwe pa mulandu umu uukankala. Kabili noyu mulandu wali, ukubapela amalango, kabili balifililwe ukuyasunga. Kabili Alangishefye, ku bantu balya, ukuti amalango tekuti yasungwe, kabili ukutila Ena ali ni—ni—ni Lesa uwa bulungami. Kabili na malango yalefwaya ubulungami, lelo tamwali inkumbu mu malango, ku kupokolola umuntu. Mu malango tamwali ukulipilila ukukandwa, lelo casendele inkumbu ukulipilila kulyo kukandwa, nangu uko amalango yatutitikishe.

46 Kabili Yona pano aliitilwe ko, nge ci, ena ukuba umu kasesema umunono uwa mu Baibele, ukuya kulya ku musumba.

Kabili tulesanga icilangililo icaifwe bonse. Bonsefye ifwe, lyonse tulabutuka ukufuma ku cintu cimo. Tulabutuka ku mafya. Tulabutuka ku milimo. Ifwe, bonsefye twalikumako ku kucita cilya. Ifwe, twaba, twaba abacilishapo ku kubutuka ukucila ukushipikisha no kucipokelela ici. Mwamona, twabafye. . . Ifwe—ifwe—ifwe tulaisanga fwebene tulebutuka.

Limo limo tulaisanga fwebene ukubutuka umulimo. Tatufwaya, tatufwaya ukubomba. Abantu bamo batontokanya ukutila kuti bakwata ubwikalo ukwabulo kubomba. Lelo, Ndetontokanya, Solomoni ewa sosele ukutila kuti twasanga pano ubwasuko, pa kumona akanyebele.

47 Namwishiba, akanyebele akanono, balanjeba ukutila nga kalya (konse) akanyebele takalebomba no kulalafye, kalya akanyebele takesa mukulyako mu nshita ilya ya mpepo, nakalya. Eico, onse alingile u—ukubomba.

48 Twalikwata ifintu ifingi ifyo tulingile ukucita, imilimo iingi sana iyo tulingile ukuloleshapo. Cila muntu alingile ukukwata ukulolekesha pa mulimo umo.

49 Lintu mu—lintu mukesha mu—mukusala umukashi wenu, ku kuupa, nangu ukusala umulume wenu, mu—mulingile ukukwata umulimo. Kabili nomba mulingile ukwibukisha... Limbi kuti mwakula ing'anda; ni ng'anda isuma nganshi. Elyo kabili, ibukisheni, ngo mwanakashi uwaupwa, mulingile ukutontokanya pa mulimo uwa kukusha abana. Kabili mulingile ukutontokanya pali filya ifyayemba, ifibumba ifyatelela fikakwata, ifiko ifya fisansafya minwe inono kuli fyena. Elyo mwalikwata umulimo wa kusambilisha abana benu. Mwalikwata umulimo uwakufwika nokulisha.

50 Icili conse mulimo. Kabili cintu cayanguka sana, lintu imilimo yatulolesha, ukutaluka kuli yena. Kabili twasanga ukutila icupo mulimo, mu misango yonse.

51 Nangu, inshita ishingi, tusanga... Ici cintu cakosa ukusosa, lelo cishinka, ukutila bakashimikila, inshita ishingi, balakana umulimo wa kwiminina ne Cebo ica cine icakwa Lesa ilyo ba kumana Naco. Balakana ulyo mulimo. Ilyo Icine ica Cebo cakwa Lesa caletwa icinso necinso kuli ifwe fwe bantu, twalikwata... twaba abakutalukako mpaka ubwafwilisho bwa kulekelesha.

52 Napwishishefye ukulanda ku mwipwa wandi kulya lubali. Ni Katolika, kabili ena... Kabili Nali mubatisha ulyo mulumendo, mwi Shina lya kwa Yesu Kristu, kuno imyaka iinono iyafumako, kabili atendeke ukwenda no mwanakashi umunono umo kabili aishileba Katolika. Kabili Naikatilile ukuboko kwa ba nyina lintu balefwa kuli ilye ncende. Batile kuli ine, amashiwi yakulekelesha, "Ulemusunga Melvin." Kabili ena alotafye ifiloto. Tekutifye... Cila, cila bushiku, umulungu uwapwile, alelota ifiloto. Atile, "Naliingile mu chalici mu mobe, Yama Bill, kabili waliiminine ku ntanshi uleshimikila. Nabutukile kuntanshi, ukutila ninga tendeka ukulapila. Nalishibwike." Atile, "Na—Naliluba."

Natile, "Melvin, taulekabila nobwilulo kuli ico. Incende yobe yaba kulya kwine wasontelwa ukuba." Ico cishinka. Mwamona?

53 Lelo nga twaisa ku kulolekesha pa milimo, inshita shimo cisenda amaka na mano yesu yonse, ku kucita cilya. Nga taata, ku kulolekesha pa milimo, ku kulopola umwana obe no bwembya. Balya abana abanono, tamufwaya ukucita cilya. Lelo nga wishi nangu nyina, mulingile ukulolesha pa mulimo uwa kukusha umwana, pantu Baibele yatila, "Lekelako ku bwembya ninshi uli nokonaula umwana obe." Kabili cilya ecintu fye icisuma mu menso yamuntu ulya usoma imibombele ya tompwe onse uwatala ukubapo mwi sonde. Ico caliikalilila na nomba ukuba Icine cakwa Lesa. Nga kwaliko ifingi ifya musango filya ukucitwa, nga ta twakwata bucintomfwa ubwingi

ubwabana kabili na fimbi, nafyonse ifyabola ifyo twakwata mwi sonde ileelo. Lelo ifunde ilyawamisha ilya kale ilya mu ng'anda lyalitobwa, akale sana, kabili balalekafye abana ukucita fyonse ifyo balefwaya.

<sup>54</sup> Lelo nga fintufye Nacisosa, bakapyunga, kuti baisakumanya Icine icinso ne cinso, kabili kuti bafuma kuli Cena. Mwamona, kufwile—kufwilefye kwaba... Cimoneka kwati kwalibako icintu cimo ico taba—tabafwaya ukucikumanya.

<sup>55</sup> Inshita ishingi Ndakwata abantu abesa, nokutila, “Naliishiba ukutila ico cishinka, Munyina Branham, lelo nga nalicitile cilya, kuti bantamfya ukufuma mu chalichi.” Nga pali cena? Nga taucitile, bali no ku kutamfisha kunse, ku malu Kulya. Eico ulingile ukutamfiwa kunse, ku ncende imo, mwamona. Eico kanshi mulingile ukucikumanya, mucifulo ca kubutuka ukufuma kuli cena no kutila, “Ukuba, Nalaya *kulya*. Nshakabweleleko.” Bwelelako, mucine, nokuya umfwikisha ifingi pali Cena.

Fwayeni mu Malembo. Yesu atile, “Fwayeni mu Malembo, pantu muli Yena mutontonkanya ukutila na mukwata u Mweo uwa Muyayaya, kabili Yena e Yalepela ubunte pali Ine.” Lelo tulesanga ukutila abantu teti bacisumine cilya.

<sup>56</sup> Pakuba abakuletwa ku, ku Cinso cakwa Lesa tulemona ukutila ilyo Lesa apanga ubulayo, Lesa ali uwakumako kuli bulya bulayo. Kabili ilyo Alenga bulyo bulayo ku kufikilishiwa, lyena abantu balakwata umwensho ku mulimo uwakwikala ne Mbila iya ino nshita. Tulesanga cilya konsefye.

<sup>57</sup> Inga pali imwe mwe bena Luther? Nibanga abena Luther abali no mwensho ku, abantu bali no mwensho ku kupokelela Icine icakwete Luther lintu aishile no kulekelelwa? Moneni icacitike kuli imwe, nalimo ubumi bwenu bwine, kukwisa no kulumbula Yesu Kristu kabili—kabili no kwisa ba u—umwina Luther.

<sup>58</sup> Moneni imwe ba Methodist, fintu caleba, bonse mwaleitwa bakakunkuluka wa mushilo. Ndemona mwalishibe ico. Elyo kuti baba pesamba lya Mupashi, kabili no kusunkana uku noku. Kabili batile—balikwete “ukusunkana.” Ba Meth-... Ukutila, iyo, balya tabali ba Pentecosti; balya bali ni ba Methodist, imyaka iingi iyapitapo. Kabili balesunkana, no kututuma, kabili balewila pesamba lya maka ya kwa Lesa. Kabili baleitila amenshi pa finso fyabo nokubapuuta ne fyamwela, ukutontonkanya ati nabafwa. Kabili, nomba, mwaleitwa ibumba lyaba kakunkuluka wa mushilo. Lelo mwalikwete, ba nyinenwe na bashinwe, balingilelimbi uku Cipokelela, uku pokelela Icine ne fishinka, nangu ukulukana.

<sup>59</sup> Nga pali imwe ba Pentecosti abo abapokelele ukubwekeshiwa kwa fyabupe, ilyo ulubatisho lwa Mupashi wa Mushilo lwaishile no kulandila mu ndimi, kabili ne fyabupe fya mu Mupashi ukubwelela mu chalichi? Cinshi, ba Methodist

balefwaya ukumutamfya, kabili bali cicitile. Lelo mwalingile ukucipokelela. Cintu cimo ico mwalingile ukucita.

Nga pe lyashi, lintu lyaishile, palwa lubatisho mwi Shina lya kwa Yesu Kristu, kabili mwalimwene ukutila cali Cishinka? Mulingile ukucipokelela, nangu ukucitapo cimo pali cena.

Mwalikwata umulimo, umuntu onse alikwata, kabili mulingile ukufipokelela ifi fintu fyonse. Cisuma.

<sup>60</sup> Kabili mwamona lyena, muli buno bushiku nomba, lintu i Cebo cakwa Lesa capanga aya mabulayo aya fintu tulemona filecitika nomba, lyena ninshi natukwata umulimo uwakuba kuli Cena nangu ukutaluka kuli Cena. Mulingile. . . Tekuti mwikale fye tondolo. Mulingile ukucitapo cimo pali Cena. Atile. . . Icintu cimo cilingile cacitwa.

Tekuti mwingile pali ulyo mwinshi wa lukuta kabili no kubwekelamo umuntu umo wine wacishilamo. Kuti mwataluka sana, nangu ukupalamina kuli Lesa, inshita yonse mwaisa muno nangu lilya mwafuma kunse.

<sup>61</sup> Oh, ifyo cabe ca anguka ku bantu ukukana ifi fintu. Kabili Ndefwaya ifwe ukutontonkanya pali ifi fintu lintu tukatampa ukulongana kwa cintubwingi mailo mu bushiku, ukutila, Ndefwaya imwe ku kumona lintu icintu cimo icayafya casangwa, nga imwe. . . nga kuli ilipusho pali cena. Nga kuli ilipusho pali cena, kulingile kwaba ubwasuko.

<sup>62</sup> Tutile, ngefi, Natile Naleya ku mboshi, kabili imwe mwasontele *uku* lubali. Ukuba, icintu cakubalilapo namwishiba, kuti Naya ukuciluka uko Ndefwaya ukuya, kabili ndi ku. . . Ndi pakati ka mboshi na kapinda ka kukulyo. Ukuba, nga cakutila umuntu umo ansotela ku lubali lwa *uku*, kabili Naya kulya lubali? Nalaciluka kuntu ndeya nakabili; Naciya pakati ka kulekanya ka ku masamba na kukapinda ka ku kuso. Ukuba, ilyo lyonse kuli ko ilipusho, ni nshila nshi iyakwilako ku mboshi, kulingile kwabako ubwasuko ubwine bwine ku cifulo cimo.

Kabili ilyo aya mepusho yatufikila, palwa Fishinka fya Baibele, kulingile kwabako ubwasuko ubwalungama ku cifulo cimo. Ico cishinka. Bulingile ukubako.

<sup>63</sup> Kabili ilyo twamona icintu Cimo capelwa, Ndetontonkanya, mucifulo icakubutukafye, no kusosa, “Ah, fyacabe cabe! tekuti Ncetekele icintu ica musango Ulya. Tekuti ncetekele Cilya,” cinshi teti usendele Baibele, no kwikala panshi no ku Cilolekeshapo? Uku Cisoma. Muli mu kulongana muno nomba, Cilolekeshenifye. Ci Fwayeni, mwebene, ne Cebo. Fwayeni i Cebo, ukupitila mu Cebo. Iyi enshila fye imo Iyakucilenga ukulangisha Icine. Kabili Cilingile uku mweba i Cine, ukufuma ku Kutendeka mpaka ku Kusokolola.

<sup>64</sup> Kristu e busokololo bwa Baibele yonse. Muli Ena, Kristu, umwisulo onse. Kukufikilisha kwa ma busesemo yonse aya

Baibele yakumana ukwabula amafunde muli Kristu Yesu, pantu Aali ni Lesa ukumonekela mu mubili.

<sup>65</sup> Nomba tulesanga ifi fintu, nangu cibe, lintu twakumanya ici nokwisa mu kulongana, nokumona Amaka yakwa Lesa ukulaenda no kucite fintu, no kubomba imilimo iyapulamo, no kumona ilecitwa, kabili nokumona mu Baibele nokumona ukutila calilaiwa muli ino ora; elyo lintu twamona ifyo fintu, lyena tulakwata umulimo limbi ukucipokelela nangu iyo, Ndepilibula, kuli ifwe fwebene.

<sup>66</sup> Nomba, abantu abengi balakwata uluse, abantu abengi batila cilifye bwino. Lelo ico taci—tacicita ifyo cilingile . . . Ico te cintu ico mwapelelwapo umulimo. Nga fintu Nsosele, ngacakutila . . .

<sup>67</sup> Nga Nali umulumendo, kabili ndefwaya umukashi, uwakuupa; kabili uyu pano umwanakashi naiminina uwali ne misango yonse iyo Natontonkenye cingasenda ukupanga umwanakashi mwine mwine. Mulandu ninshi, ku mikalile ali ni namfumu, kabili uwatemwikwa, kabili—kabili uwamibele isuma, umwina Kristu umwine mwine, icintu icili conse ico Ninga tontonkanyapo, pakukwata umukashi umusuma. Te mulandu ifyo Ningasosa ukutila untu wapwililika, alifye mucine uwalungama, teti abe umwina mwandi mpaka Namusumina kabili no mulimo wakuti ena engaba umukashi wandi.

<sup>68</sup> Ico e cintu cimo cine fintu i Mbila yaba. Kuti watila, “Cintu calinga, nangu *ici*, *cilya*, nangu *cimbi*.” Nokutila, “Ndeumfwa uluse pali Cena. Ndecetekela Cena Cishinka.” Lelo mulingile uku Cipokelela; kabili Cilingile ukwisaba icilundwa muli imwe, kabili imwe ukuba icilundwa ca Cena. Mulingile . . . Lyena, Cenu.

<sup>69</sup> Lintu waupa uyu mwanakashi uo wasala, mulaba—mulaba icilundwa cimo nomba.

Kabili e musango umo wine mwabelamo muli Kristu. Ilyo mwamona Ena ukulangishiwa no kulengwa ubutuntulu, lyena mulaba icilundwa Cakwe, kabili Alaba icilundwa cenu. Kabili, capamo, mulaba icilundwa ca Mbila.

<sup>70</sup> Oh, nifinga ifimato ifya filonganino ifyo twakwata ifileya kulya ku Tarshishi, fyaba Yona ba shino nshinku, fyaba imyanda pabula, icintu cimo, ubwato ubo ubusenda ubulendo ubwayanguka. Tamufwaya uku cipokelela.

Yona talefwaya ukucipokelela, ifya kuya ku Benafyalo. Talefwaya ukutwala ilye Mbila yakalabana kulya, “Mu nshiku amakumi yane, mukonaulwa nga tamwakalapile.” Alipatile ukucita cilya. Kabili alitontonkenye ukutila, “Bena abena Fyalo, cintu cakosa ukwishiba ifyo bakacita kuli ine.” Lelo ali no kucicita. Mwamona? Lelo aile mubwato ubwayanguka nokuya ku Tarshishi, aile mu cipinda ca bwato no kusendama; aile mu nshila iyaanguka.

<sup>71</sup> Ninshila iyaanguka, ninshila iyalumbuka na bantu. Cintu caanguka ukusenda inshila iyo umuntu onse enga kupampasha mu numa nokutila uli muntu umusuma, “Kabili uyu ni kampanda *wakuti-na wakuti* kabili umo,” kabili isonde lili no kulolekesha pali iwe. Cintu ca anguka ukuya mu nshila iyalumbukwa.

Lelo lintu—lintu mwaba aba kucite cintu cimo icapusana, iyo muli no kwiminina ku kushininwa kwenu pafyo mwaishiba ukube Cine, apo epabela ulubali ulwakosa, palya epo cishupila, palya pene.

<sup>72</sup> Oh, nga fintufye twaleimba lulya lwimbo ulwakale:

Ifyo caba icaanguka iyo tuleoba pali bemba,  
kabili pali tondolo,  
Ku kusubila mu maka yakuboko kukalamba  
kwa kwa Yehova.

Lelo, oh, lekeni amabimbi yatendeke ukulapupa, leken—lekeni icipupu cipupe no kufumyapo amabimbi, elyo ni cinshi mucita?

<sup>73</sup> Icintu cimo icapala cilya ba Njebele, inshita imo, ukuti umukashana alisosele. Kunuma kulya ku nshiku sha bakabalwe na maceleta, atile kabalwe abutwike pamo nankwe ukufuma mu chalichi. Atile, “Ni cinshi wingacita?”

<sup>74</sup> Atile, “Nalicetekele Shikulu mpaka iyo intambo shaputwike.” Ukuba, iyo enshita iya kucetekela Shikulu, panuma ya . . . panuma iyo intambo shaputuka. Mulacetekela muntambo mpaka iyo shaputuka. Ee.

<sup>75</sup> Kabili epo tulesanga ukutila ifwe twalikwata inshila isha anguka ishingi ishakubutukilamo, ifimato ifileya ku Tarshishi, pantu cintu caanguka, ishishaba imilimo. Cabafye icaanguka, namukwata fyonse ukulaisa; umuntu onse, ali mutemwa. Kabili, umuntu onse, waba . . . Tapali nangu umo uwaku kansana nobe; ta mukansana no muntu nangu umo. Nomba, nga cakutila cilya te cisalu icakupukutilako imbale! Ico cishinka. Ee, ukucisunka, ukucipilibula! Cinshi, umuntu uuli onse, Nshilesakamana fintu waba, kabili ne fyo waimininapo . . . Mucine, abantu abatekanya mukutontonkanya bakatontonkanya sana pali iwe nga cakutila waiminina pa kushininwa kobe pali ico icalungama. Cishinka. Nshilesakamana . . .

<sup>76</sup> Sendeni umwanakashi, limbi ena tekuti abe uwaemba sana, na fyonse efyo engaba; lelo lekeni ulyo mwanakashi eminine pa mafunde ya bwanakashi, lekeni eminine ngo namayo; kabili nga cakutila umwaume nakwata ukufina kumo ukwa bwaume muli ena, ali nokusenda ulya mwanakashi. Mucine cine. Tulatasha icintu cimo ico—ico umuntu umo akwata, ukutila balicetekela ukutila cilya cine kabili bali no kwiminina pali ico eco batontonkanya ukutila nacilungama.



<sup>77</sup> Ifyo baba abanenuka-nenuka, filya efyo abena Kristu abengi ileelo, baba abanakuka nganshi na fyonsefye, mpaka batontonkanya icintufye ico balingile ukucita ukuilunda ku calici, ukuya ku cifulo cimo, ukulembesha ishina lyabo pe buuku, nangu ukucita icintu cimo icinono ukutoloka pamuluna-panshi, ukubilikisha, nangu—nangu icintu cimo icapala ngeco, nokuciita ubwina Kristu.

Ubwina Kristu ni cila bushiku, umweo uwakalabana, ukwikalilila na Lesa muli . . . muli lino isonde lyelelo. Caba Mulilo uleyaka lyonse ne citemwiko cakwa Lesa, mumutima, ico icibika imwe pa mulilo no kumutwala kulya ku bantu, ku kulenga abakucetekela muli Kristu. Imilimo.

<sup>78</sup> Lelo cintu ica anguka ukuya mu nshila iyo aba mwisonde bayamo. Cintu ca anguka ukukonka ukuleya umukuku.

Kabiye kunse kulya nokwikala mu mumana, nobwato bobo. Bula inkafi shobe no kutendeka ukulaoba ukulefuma umukuku; tekuti usende inshita iitali, kabili cilakoselako. Lelo ulekelekofye ku nkafi umuku umo no kumona ifyo bwalapita mu fimuti bwangu bwangu ukuya kwisamba, lelo lolekesha kuntu uleya!

Lintu ifintu fili ifya anguka, ibukisheni, muleya ku—ku cipoma icikalamba kwisamba kulya, icamusango uyo. Uletentemukila ku cipoma, kabili teti cisende inshita mpaka uli no kuponena mulya mu cipoma. Nga uleendafye ne sonde, cilanguka, umusango cishilamo, taufwaya cilya. Iyo, mukwai. Lelo ulingile uku- . . . ukusumina umulimo obe.

<sup>79</sup> Nomba, mu Cicetekele, kabili mwalikwata u- . . . Mutontonkanya ukutila Cena Cine.

<sup>80</sup> Kabili mulimo untu Lesa atupela muli buno bushiku, ku kuleta iyi Mbila! Kabili lintu Ndeya ndekota, kabili Naliishiba inshiku shandi shiya shilecepelako, kabili Ndeumfwa ukuba no mulimo ukalamba ukucila fintu Naleumfwa. Ukuya pa ntanshi, tulingile ukucicita! Tulingile ukuya kuli cena, konse kuntu tuleya, no kushimikila i Mbila; no—no kweba abantu ukutila Yesu Kristu aleisa, ukutila Ena ni Lesa kabili Aleisa nomba line. Takuli—takuli isubilo nangu limo ilishele mwi sonde lelofye Ukwisa kwa kwa Shikulu.

<sup>81</sup> Nga mwati mulolekeshe kunuma kulya kufibusa fimo efyo nali nafyo kulya lintu Malaika wa kwa Shikulu . . . Aba abalumendo abekele muno, Ndecetekela balisanga incende pantu cacitikile ku mulu kulya. Kabili ibukishenifye ifyo Shikulu asosele bulya bushiku, kuli Munyina Wood. Elyo aleenda pamulu walupili. Kabili—kabili ali kwati alelila, pantu umukashi wakwe alilwele. Kabili Shikulu atile, “Tole libwe lilya no kuliposela mu mulu mu mwela, no kusosa, ‘EFYA SOSA SHIKULU.’” Kabili Nacitile cilya. Kabili Munyina Wood ekele palya nga kambone.

<sup>82</sup> Kabili Natile, “Munyina Wood, tacapose inshita sana mpaka ukamone icintu cimo ukucitika.” Kabili ubushiku ubwakonkelepo, lintu twaiminine palya, bonse capamo... Kabili ibumba lya baume iliminine muno mwine muno bushiku.

<sup>83</sup> Kashimikila umunono ali kulya, kabili ali... Nalimwene... Nalimukumenye inshita ya bushiku imo. Ali munkambi yesu. Alishile mukuba naifwe. Kabili atile kuli ine, atile, “Munyina Branham, bushe walitala aumonapo ifimonwa, kunse ngefi?”

<sup>84</sup> Natile, “Ee, mukwai. Lelo Ndesa kuno ku kwesha ku kufuma kuli cena, kukwesha ukutusha panono.” Atile... “Ukuba,” Natile, “Ine—Ine... Mucine, Ala ndangisha ifintu kunse kuno.” Kabili natile, “Pa mulu wa lupili lwa kuno kwinefyeye, kuntu ba Malaika Cine—lubali bamonekele kwisamba kulya.”

Atile, “Ee, naumfwa.” Atile, “Nali umo uwaleafwilisha ukulongana kobe kulya mu California.”

Natile, “Ukuba, Ndi uwansansa pa kwishiba ico.”

<sup>85</sup> Kabili lintu naiminine palya, lilya linefyeye Nalolekeshe mu mbali kabili Namwene dokota uwaina uwalelolekesha mumenso yakwe, kabili Naumfwile aletila, “Uli no kulufya ili linso, pantu muli ubulwele bumo. Kabili Nalibombelapo pali lyena pa myaka ibili, kabili uli no kulufya ili linso.”

Natile, “Umulandu unjipushishe ico, nico dokota obe akwebele ubushiku ubwafumako ukutila uli no kulufya ilyo linso.”

Kabili atile, “Ico nacilungama,” kabili alolekeshe mu mbali nga *filya*.

<sup>86</sup> Kabili Nalimwene ba nyina ukufula lumo pa nsokoshi shabo kabili no kwikata ulukasa lwabo, no tupute utunono utwali pakati ka tukondo twabo, pamulu-na-panshi kukulu kwabo; kabili batile, “Nga wamumona Munyina Branham, ukamwebe aka mpelepo pali ici.”

Kabili natile, “Ukuboko kwaba noko na... na bemya ulukasa lwabo nga *filya*, kabili batile naba kwata... utupute utunono pa—pa tukondo twabo, kabili nga *filya*; kabili batile, “Ukebe Munyina Branham akapepe.”

Atile, “Munyina Branham, ico cishinka.”

<sup>87</sup> Naloleshe ku numa. Ilyo Nacitile ico, Nali mumwene naiminina kunuma kulya ukulalolekesha kuli ine, nga *filya* fine, na menso yakwe yalifye bwino. Nali mukumenye ili line; alikwete amenso ayasuma ukucila onse mu nkambi. Shikulu ali muposeshe no kumulenga ukuba bwino.

<sup>88</sup> Lintu Naiminine palya pene, Shikulu atile, alinangishe ifyali no kucitika. “Ubupingushi buli mukuponena Ululamba lwa ku Masamba.” Kabili Atile, “Kabiye kulya lubali lwa ncende ya mulilo.”

<sup>89</sup> Kabili Nalikwete fosholo mu kuboko kwandi; naiile palya. Kabili Munyina Roy Robertson, ifwe bonse twalimwishiba kuno. Talimo muno mu bushiku, nga fintu Njshibe; ali ku Arizona kulya. Mukalamba wa ma trustees kuno, kabili Nalimwishiba ena ukuba uwaishibisha. Kabili icintu cimo cali mupepi no kucitika; inshita iisuma, iya lucelo ulwatalala, nalimo ku ma teni koloko ulucelo. Kabili abalumendo bonse bali kulya, ikumi nangu ikumi na na babili bonse capamo, ukulapanga amatenti, kabili no kufunda impapa sha nkumba, ne fintu. Eico ifwe. . . Naliile kulya, Natile, “Roy, fisama, bwangu. Icintu cimo cili mu kucitika.” Nshamwebele nakabili. Lelo inshita ilya ine Nafikile kulya. . .

Kabili ukufumina mu myulu kwaishile kankungwe wa kwa Lesa, nokuma akapi, kwati, ukutenkanya impili, ukwingila mukati ka lulyo lupili, ukuputaula akamulale ukuka shingulusha, ukuciluka nalimo ama fIti yasano ukutula pa mutwe wandi, no kuputula pa mulu wafilye fimuti ukufifumyapo, lintu amabwe yaleshukuka. Kaile mulwelele no kwisa panshi na kabili, no lubatisho na lumbi ulukalamba, no kwisa puma pa mulu wa lupili, no kuposa amabwe ukuyashula nga filya. Kalicitike imiku itatu, kabili kaliile mulwelele.

Kabili Munyina Banks aishile kuli ine, atile, “Cilya e co wasosele mailo?”

Natile, “Ee, mukwai, ico cishinka nganshi.” Mwamona?

<sup>90</sup> Kabili inshiku shitatu panuma ya cilya, Alaska aliibile, mupepi, kulya lubali. Kabili ku mulundu-na-kwisamba kulya ku Lulamba lwa ku Masamba kwalibako ifibulumo no kusunka, kabili ne fintu fyonse ukula citika. Kabili ubushiku bumo pali ishi ali no kwibila panshi ya bemba. Cishinka. Ni cinshi? Tuleikala muli ilya ora ya Kwisa kwa kwa Shikulu.

<sup>91</sup> Ilyo twamona amasambililo yambi ne fintu ukulaisa, kabili ne fi fintu fyonse ifyapusana, natwishiba kulingile kwabako ubwasuko ubwacine kuli ici.

Kuliko abantu mukati ka calo muno nomba, abaleya mu ncengo ne fintu, “Kabili muli Kutumpu pa 16,” mwalibelenga mwipepala, “Shikulu aleisa.” Mwalishiba ifyo tefyo caba.

Yesu atile, “Takwaba umuntu uwaishiba miniti nangu ora.”

<sup>92</sup> Lintu twamona ifintu fyonse ifi, nefintu ukulacitika mumusango filecitikilamo, kabili kulingile kwabako ubwasuko ubwacine kumo. Kulingile kwabako Icine. Kuliko bumo, ku kabanga; Kabili bumo, kumasamba; lelo kuliko bumo, pakati kakukapinda kakulyo na ku kabanga, kabili pakati kakukapinda kakukuso na ku masamba, nangu icintu cimo. Lelo kulingile kwabako ubwasuko ubwa cine, kucifulo cimo, ku bwafya. [Tapali amashiwi pali tepu—Kale.]

<sup>93</sup> Ukukana ici? Tulingile ukweba abantu ukutila tuleikala munshita sha Kwisa kwa Mwana wa kwa Lesa. Tulefwaya—tulefwaya ukumona kabili (Lesa) abe uwa kwenda, inshita yonse, uwaiteyanya ku kupela umuntu ubwasuko ubwalinga.

<sup>94</sup> Lyonse eflyo ciba ifyo fine. Ca—caliba mu muntu, alikana no kutaluka ukufuma kuli Lesa, inshita yonse ukufuma pali Adamu, mwibala lya Edeni. Lintu Adamu ali mwibala lya Edeni, lintu aishile pa mulimo uwaku isalila umwine, kuti aikala na Lesa nangu ukuba no mukashi wakwe? ali no kukwata ulyo-...ali no kupanga cilya, u—umulimo wali kuli ena. Ali no kusenda ifyo umukashi wakwe aseosele nangu ifintu Lesa aseosele. Kabili lintu asalile uku konka imibele ya mukashi, kabili ilyo acitile cilya, lyena alufishe imibele yakwe iyantendekelo. Kabili aletelele isonde lyonse ku mfwa, lintu ali no kusenda umulimo, nangu ukupokelela ulubuuto ulupya ulo umukashi wakwe asangile, ico icali icapusana.

O mwe Lesa! Tontonkanyeni pali ici. Lesa abapele nalimo Ifyebo cine konse-konse nangu ikumi ifya kusunga. “Lelo kuli ici cimuti mwi kalyako.” Epela fye eflyo bali no kusunga. Kabili nangula bali ne Fyebo ifingi ngefyo, bali Citobebe.

Elyo Adamu ali noku kumanya, “Bushe, Nalacita, Nalacita nga fintu umukashi wandi anjebele ukucita, nangu Nalacita fintu Lesa aseosele ukucita?” Kabili aliile na menso yakwe ayaisulwa. Ali no kukwata umulimo. Cilya caposele umuntundu wa bantu mu mfwa.

<sup>95</sup> Elyo kwaishile Adamu ulya umbi, uyo uwali ni Kristu, takwali nangu umo uwapalana na Ena! Umuntu umo kuti asosa ukutila Tali ni Lesa? Ukuibela kwakwe kwa shininkishe ukutila Ali ni Lesa. Takwatala akuba icibumbwa icapalana na Ena. Aikele mwi sonde ku Mwine. Afyalilwe kunse ya mitantikile ya cifyalilwa, umuntu umubembu. Alleluya! Ali ni Kalenga Umwine ukulengwa mu mubili.

Nani wingatala ukwiminina pantu Aiminine? Nani uwatala ukulanda nga Ena? Nani uwingatala ukulanda ifintu ifyo Aseosele? Nani uwatalile ukucita ifintu ifyo Acitile? Ukuibela Kwakwe kwa shininkishe ukutila Ali ni Lesa. Takwali kasesema nangu icintu cimbi icashala icatalile ukucita fintu Acitile; Nani uwingeta abafwa ukufuma ku nshinshi, Nani uwinge iminika imyulu, kabili no kucita icili conse ico Alefwaya ukucita. Ali ni Lesa. Nani uwatalile ukwiminina mu cifulo Cakwe? Ni nani? Kutu Aba shani lelo kulyo kupwililika, Lesa uushifwa, alengelwe mu mubili no kwikala pakati keso!

<sup>96</sup> Tapali nangu cimo icinga palanishiwa kuli Ena. Aikele mwisonde ilyakwe Umwine. Takwali umuntu uwatalile ukulanda nga Ena. Lintu Aiswilefye akanwa Kakwe, kwaliko icintu cimo pali cena, icali icapusana kumuntu uuli onse. Umuntu umo atile Alifye ngo muntu uuli onse; Ndekanya cilya.

Ali ni Lesa. Ifyo eflyo Aali. Pantu, takuli umuntu uwatalile ukulanda nga Ena, takuli umuntu uwingalanda nga Ena, pantu Ali i Cebo ca mweo Icine ukulengwa mu mubili, ukulangishiwa ukutuntulu ukwa kwa Lesa.

<sup>97</sup> Nalasumina, balya ba kasesema balikwete imbila shabo. Bali bakwete lilya; bali bakwata na nomba. Lelo kwaliko umutwe wa Bulesa mubwisulo mu mubili, uku langishiwa palya. Ali ni Umo uwaibela, kabili Ena ni ulya Umo uwali no kulolenkana na ulya umulandu. Namaka Yakwe yonse ayo Akwete, icakutila nga Ali icine cine imfumu ye sonde. Akaba; kabili Ena, ku bashila Bakwe, eflyo Ali nomba.

<sup>98</sup> Aliiminine palya. Muntunshi uwingaba umupina, takwete ne ncende yakulalikapo umutwe Wakwe; uyo uwa ishibe no kwishiba uko isabi lyaminine ikobili? Nani, muntu nshi uyo uwingasenda imitondo iya menshi iikulu no kuyapilibwila mu mwangashi, no kukana kwata incende yakulalikapo umutwe Wakwe? Alingile ukulolekana ne milimo iyo iyapelwe mukuboko Kwakwe. Muntunshi uwinga busha umuntu ukufuma munshishi, panuma lintu afwile inshiku shine no kubola?

Bushe Ena nga taipuswishe Umwine? Icine, Alicitile; lelo nga Ali cicitile, nga Tatupuswishe. Alingile ukulolekesha pa milimo, kabili na pa mulandu wa cumfwila Cakwe ku Cebo! Uko, ukukana umfwila kwakwa Adamu, kabili ena asendele inshila iipi, i—inshila yakuya ku Tarshishi. Lelo Yesu asendele inshila iyakuya ku Nineveh, ku bena Fyalo, ku kuyaisendela Umwine Nabwina. Ndi uwansansa ukutila Nacicita cilya, muno bushiku. Kabili tulingile ukumona ku fishinka, ukutila tuli Abakwe, no kufumyapo isonde. Amen!

<sup>99</sup> Umuntu uuli onse alingile uku kumanya cilya, uyo uwakwata umulimo kuli Lesa. Kuti twasendafye, tutile, Nowa. Alikwete. Nowa, Mose, Eliya, na bonsefye mu—mu nkulo yonse, bali lolekeshe pa mulimo. Kabili balicicitile, lelo uyo e mulandu batuminwe muli ilya ora.

<sup>100</sup> Lolesheni pali Nowa munshita yakwe iya science, ifyo aali nokumona pa cintu ico icishali ica science. Cinshi, takwaliko u—u—umulandu cishabele icishili ica science. . . Mwamona, cali—cali icabulamo science, ntile. Cinshi, batile yali no kuloka ukufuma mu myulu. Tabatalile ukukwatapo imfula ukuloka ukufuma mu myulu. Nomba, alingile ukulolekeshapo. Lesa atile yali no kuloka. Elyo kabili ena. . .

<sup>101</sup> Kanshi icicetekelo icabule milimo cintu cafwa; nga mwatila, “Nalicicetekela,” kabili tamulecitapo nangu cimo. Kwatifye ni Mbila, nga mwasosa ukutila, “Nali icetekela,” tamulecitapo nangu kamo, busuma nshi cicita? Mwamona? Nowa aile mu kubomba na sando yakwe no kukula ubwato, ku kushininkisha ico alelandapo. Ico eco tulingile ukucita, naifwe. Tulingile ukuya

mu kubomba no kushininkisha icitetekelo cesu, ku milimo yesu. Imilimo yesu ishininkisha icicetekelo cesu.

<sup>102</sup> Mose alicicitile, na Eliya alicicitile. Kasesema uli onse mu nshita yakwe alinokwiiminina no kulolekesha pali iyi milimo. Lelo abengi pali bena tabacitile nga Yona. Alibutwike; bena taba butwike.

<sup>103</sup> Moneni, “Bilikisha no kucisusha cena.” Oh, owe! Ico cili apo. Ilyo e sambililo, “Bilikisha ukususha cena.” Apo epali iciputulwa ica kucecentwa.

Kabiyefye kulya no kuya eba balya balumendo, “Ukuyasosa, Ninjisa ukuba pamo naimwe mwe baume. Namwishiba, Ninjishiba, Ndecetekela ndi no kumweba ifyo Ndi nokucita. Ninkwata akantu akanono pano Ndecetekela kuti Naipanga i. . . ukutuleta ifwe bonse capamo, no kucita *ici, cilya*, nangu *cimbi*.”

Lelo, cali, “Bilikisha ukususha cena,” lintu ulingile ukubilikisha ukususha icintu cimo. Nomba, ali nokubilikisha ukususha fyonse ifyali kulya; bilikisha ukususha umusumba, bilikisha ukususha imilimo yabo, kubilikisha ukususha ichalichi lyabo, bilikisha ukususha bakasesema wabo, bilikisha ukususha bakashimikila wabo, bilikisha ukususha bashimapepo wabo. “Bilikisha ukususha cena, icintufye conse! Bilisha ukususha cena!”

<sup>104</sup> Nowa abiliikishe ukususha inkulo yakwe. Mucine, alicitile, ukususha ama chalichi ya munkulo yakwe.

Mose mucine cine alibilikishe kukususha inshita ya—yakwe; abantu, bashimapepo, nabambipo. Alibilikishe monse fye mulya mumatololo. Kabili na pakupatukila ponse, alibilikishe, lyonse ukulabilikisha ku bantu.

Eliya ali ushalumbukwa sana mu bushiku bwakwe, pantu alibilikishe ukususha ilye nkulo. Mucine ali citile.

<sup>105</sup> Yohane Kabatisha ali ushalumbukwa nganshi munshita yakwe. Alibilikishe ukususha inshita alimo. Atile ku mfumu, intungulushi ya—ya iya—iya calo; ali—ali kwete, aupile umukashi wakwa munyina. Ali shimikile pacupo nokulekana, ulucelo lumo. Eico alibilikishe ukususha cena, atile, “Te funde kuli iwe uku mukwata.” Calimuletelele, umutwe wakwe ukuputulwa, panuma, lelo alibilikishe no kwiminina kwi ofeshi lya ncito yakwe.

Tatalile ukusenda ubwato ubwa ku Tarshishi, nokutila, “Ukuba, Nalasuminishanya naiwe, Herod. Cilifye bwino. Ilyo lyonse uletontonkanya ukutila umwanakashi umusuma, akaba umukashi umusuma kuli iwe, twalilila.” Oh, uluse. Shilya insalu shakupukutilako imbale, mwamona, ee, akantufye akali konse akanono. . . Cinshi, tacaba nangu cimo lelo ca kusamfishakofye imbale.

<sup>106</sup> Lelo, moneni, Yohane tali muli ilya inshila. Ali bombele pali cilya. Atile, “Tacaba ifunde kuli iwe ukumukwata.” Ee, mukwai. Kabili aliiminine ukucisusha cena.

<sup>107</sup> Tabatalile ukubutuka. Yohane tabutwike. Baliiminine nokuba pa fishinka. Mose alyeseshe ukubutuka, inshita imo, nga Yona, lelo Lesa ali mubweseshe na kabili. Abengi pali bena balyeseshe ukufuma kuli cena; kuti batendeka . . .

Lelo, lolesheni, nga Lesa alikwita kabili muli abashininkisha ukuti Lesa ali mu Mbila, takwakabe nangu cimo icikamubweshwa kunuma. Taca mubweseshe Yona. Iyo, mukwai.

<sup>108</sup> Amos uwakale, alibilikishe, atile, “Inkalamo naibuluma, nani uyo uushinga tina? Kabili Lesa nalanda, nani uyo uushinga sesema?” Nani uyo ushingana sesema, lintu wamona Lesa alelanda kabili atile icintu cimo cikacitika, kabili cilya cili apo?

<sup>109</sup> Inkalamo nga ya buluma, onse alomfwa umwenso, ee, mukwai, nga mwalitala ukumfwapo ukubuluma kumo mu mutengo. Mulomfwa ishi ishilila nga bapushi ishi bafungilila kuno, shilye nkalamo ishatekwa, lelo mulingile ukumfwa ilya ya cine, iya mu mpanga ukubuluma inshita imo. Amabwe ayanono yali no kupona ukufuma kulupili, amayadi imyanda isano ukutalukako. Ndefwaya ukwishiba uko iciunda conse cilya cifuma muli balya bapwapwa. Kabili alabika umutwe wakwe panshi, alemya yalya amasako yakwe pa mulu; Nshatala ukumfwapo nangu cimo . . . Kwati mu—munshinga ulepoleka, lintu afumya cilya ciunda ca kubuluma uku kalamba muli ba pwapwa bakwe. Nani ushingatina?

Batila, nga cakutila waipaiwa ku nkalamo, takubo kumfwa ubukali. Ila mupelo mwenso wa kufwo mutombo ilyo tailamwikata. Mwamona, imwe tekuti muimone. Ilamutinya na kulyo kubuluma ukukalamba ukwa maka, panuma yakashita akanono ninshi naikwikata.

<sup>110</sup> Atile, “Inkalamo naibuluma, nani ushingatina? Kabili Lesa nalanda, nani ushingasesema?” Ilyo mwamona Lesa ukucita icintu cimo, mwatila . . . “Limbi tekuti mbe kasesema . . .” Yona efyo asosele . . . “Limbi tekuti mbe kasesema, nangu umwana wakwa kasesema. Lelo Lesa nalanda, nani ushi ngasesema?”

<sup>111</sup> Limbi tekuti mbe kasesema, limbi tekuti Mbe *ici*, *cilya*, nangu *cimbi*. Ilyo Namona Lesa alecita icili conse, kabili Nacimona muno mu Cebo, kabili Ali cilaile, nani uwinge kala tondolo ukuba shilili? Mucine, Alicicita.

<sup>112</sup> Kabili tekuti tufisame mu fisumino noku ukulongana konse ukwaba kuno, kabili ukuya ku—ku Tarshishi. Tatulefwaya ukuba pamo no kulongana kulya.

<sup>113</sup> Lelo abengi, kwati ni Adamu, balacita icintu cimo cine, ukweshwa ukubikapo icakupyanisha mu musango umo, ukweshwa ukufwaya inshila imo iyakufuminamo, kabili—kabili nokupanga

icakupyanishapo, kuku kumanya Lesa. Panuma ilyo baishiba ukuti bali mucilubo, kucinsu ca Cishinka, aile no mukashi wakwe kabili no kucita filya finefye ifyo Lesa amwebele ukukana cita. Ailefye pa ntanshi no kucicita, nangu cali ifyo. Kabili elyo aisangile umwine ukubo bwamba, umwanakashi na ena, bonse babili, mwi bala lya Edeni. Amenso yabo yaishile isulwa. Baliishibe ico icali icalungama ne cilubo, lilya. Elyo kabili alyeseshe ukusanga icakupyanishapo, ku kwesha ukuifimbilikisha umwine na cena.

Nomba, ifyo e musango tucitilamo ilelo, apa ku kanina, ukusosa, “Ukuba, Ndemweba, nga cali ni *muno*, nangu nge *ci*.” Nangu, “nga, nga,” ico cabafye. . . Mwamona? Lelo mulingile ukulolekesha pali cena. Cilingile cili icalungama nangu icilubo. Kabili nga cili icalungama, lekeni twikale naco. Nga cili icalubana, fumeniko kuli cena. Epelafye. Ukusenda cinshi. . . Fwayeni ico icili icalungama. Tamulefwaya ukulolela na kabili. Lekeni tusange nomba ico icaba i Cine kabili ne cili icalungama, no kwikala naco. Twaliishiba ukutila cishinka.

<sup>114</sup> Nomba, tulesanga ilelo ukutila abantu besu balifye. . . Cilemoneka kwati ubufuma cumi bonse bwalifuma mukati ka ma chalichi. Ine. . . Muli. . .

<sup>115</sup> Tuleikala mu ng’anda kulya iyakwa nkashi yesu umusuma uyo uwisa kuno ku chalichi. Limbi naikala muno muno bushiku. Kabili alaisonkesha ku bakwe. . . abantu. Kabili aliba umusuma nganshi kuli ifwe pali ilye ncende, pa kutuleka ifwe ukukwata ilye ncende. Kabili eico kuti Nalumbula ishina lyakwe, lelo limbi tekuti atemwe ine ukucite co. Kabili aliba umusuma nganshi kuli ifwe, cisuma, mucine cine tekuti—tekuti tutemwe uku muleta palwelele. Lelo aba lyonse umwanakashi uwatemwikwa, uwatemwikwa nganshi. Kabili mu ng’anda, kwaliko icitunshi tunshi ulubali ku lubali lumo. Twalikwata iinono, ibili, imiputule ibili.

Nalikhwata ulupwa ulukalamba, kabili ne bumba lya baice, kabili ifwe. . . kabili na—namwishiba, kabili balingile ukukwata ama sanshi, kabili ayengi. Kabili ifili fyonse ukubikwa pa mulu, kabili ulingile ukupita muli *ici* kabili muli *cilya*, pakuti wingile no kufuma.

<sup>116</sup> Elyo kabili kuli ilya incende balikwete icitunshi tunshi. Kabili muli ici icitunshi tunshi, aba baice baletamba, pa Mulungu ulucelo, ifyapala ukwimba inyimbo-sha kwimba eshaishilepo. Kabili, namwishiba, kuti—kuti camulenga imwe ukumfwafye insoni; nga takwaliko ubwina Kristu ubwine bwine ku cifulo cimo uko wingabikapo amaboko yobe, ku kumona ico iciitwa ubwina Kristu. Mulandu nshi, cilemoneka kwati bonse ubufuma cumi bwalifumamo muli bwena. Mulandu nshi, tabacita, taba moneka kwati uku. . . Mulandu nshi, cintu cabipa sanafye umusango beminina kulya no kufunga amakofi no



kulwa umo no munankwe, palya, no kwesha ukwimba inyimbo shamucitabo na fyonsefye nga filya; no kulanda amashiwi yakusekesha ayo coba tekuti alande, no kusosa ifintu ifyalekana lekana, kabili ukubepa no kutwalilila. Namwishiba, umushilo uwa—uwa—uwa bwina Kristu walimoneka ukulufya icifulo ca uko.

117 Nomba, nga Naya ku chalichi no—no kumona pastor aiminina palya no kubilisha ukutila kwala—kwalabako uku u—ukusamba kwa cintu bwingi. Bonse abanakashi mu fyakufwala fya kusambilamo, bonse bali no kuya kulya. Bali nokuya kwata ukucimfyanya; aba banakashi, ukuyasamba. Kabili bali no kuya kwata a—amalila ayapala ifyo, kabili bali no kuya salula i—inkoko ishingi, no kuteya bunco, kabili—kabili ne fintu ifi fyonse nga filya. Kuli ine, cilya cilasenda ubufuma cumi ubwine bwine bwa bwina Kristu; ukucitafye icili conse.

118 Nalimona, ukwisa kuno, tulesanga ukuti. . . Namwishiba, tulesanga bankashi yesu abengi ukufwala utuputula, kuli ino ncende mu calo catalala, ukucila filya mwingabasanga kulya muli cilye calo icakaba. Mwamona, cishinka. Kulya lubali uko ukwakaba icine cine, takwaba abengi abatufwala. Lelo kuno, uko—uko ukwaba ukwatalala, bala—bala cicita. Mwamona, caba, tabeshiba ukutila ni ciwa eucita cilya. Mwamona? Nomba, nga cali icawama, nga cali icaku yafwilisha mwebene, kuti cabe icintu cimbi. Nangu mwaume, Ndetontokanya cilamoneka icabipa ku mwaume, lelo—lelo imwe—imwe kuti—tekuti muposeko amano ku mwaume. Lelo, umwanakashi, umubili wakwe—wakwe wa bukata, kabili alingile uku usunga muli ulyo musango. Kabili ukumona abakote. . .

119 Kuti mwamona, abantu ilelo. Kwaba imipashi ibili. Kabili umo pali shena Mupashi wa Mushilo; umbi nao mupashi uushashila, kabili umo alatungululwa na ulya. Kabili bonse babili ni bakapepa. Nomba, ee, ico eciptulwa icabela, bonse babili baba ni bakapepa. Kabili nga filya fine Esau na Jacob bali, bonse babili bali ni bakapepa; kwati ni Kaini na Abel fintu bali, bonse babili bali nibakapepa; nga filya Yuda na Yesu bali, bukapepa bubili, bonse babili bakapepa. Kabili tulecimone lelo, imbali shonse shibili, isha bukapepa. Mwamona, mupashi umo wine. Abantu balafwa, lelo umupashi taufwa. Ulatwalililafye, bonse babili bakapepa.

Umo pali bena untu aiketwe na Mupashi wa Mushilo, uyo uwikala umusango wa bumi uo balingile ukwikala, no kwenda kwa bulesa na mu cishinka. Tekuti bakufumyemo nangu panono, kabili bena—bena balacita icili conse ico benga cita mu cishinka ico benga cita, ku kumwafwilisha. Kabili bambi bali. . . Abasumafye nge fyo balingile ukuba.

Kabili aba bambi, tulesanga ukuti, fintu fye fimbi ifyaibela. Kabili, nangu cibe, yonse ibili yabe mipashi yabukapepa, yaba

ibili; umo, Mupashi wa Mushilo; kabili no ubiye, mupashi uwakowela. Kabili nga cakuti namumona, cili no kuba, nangu balanda ukutila ni bakapepa, bali no kumuseka imwe no kumwita bakakunkuluka ba mushilo. Balacita icili conse ico bengacita.

<sup>120</sup> Bena, ukukana i—i Cebo cakwa Lesa icishipilibuka, kwatifye ta Catalile ukulembwa.

Mwamona, kuti mwasoso ukutila, “Nomba, lolesheni kuno, nga—nga cakuti ulubatismo . . .”

“Nalikwata u Mupashi wa Mushilo!”

“Kabili nawiminina palya no mushanga mukuboko kobe, ule upeepa?”

“Ee, Nalikwata u Mupashi wa Mushilo! Nshiletontokanya ukutila cilubo ukunwako panono. Nshile citontokanya . . .” Mwamona?

Kabili bushe namumona, “Nshiletontokanya”? Lelo Lesa alatontokanya fimbi, mwamona, ukulingana ne Cebo Cakwe. Mwamona? Mwamona, bala . . . Kabili bala—bala citafye ukucilapo ngo—ngo kufwishila amate pali Cena. Ico cishinka nganshi.

<sup>121</sup> Kwatifye nga ulya umulumendo umunono umukote uwalemama amolu uwa amfwile pali ilya inshita, lintu Davidi aletamfiwa pa cipuna cakwe ica bufumu. Aleya pa mulu wa Lupili lwa Miolife, ukulaya, ukulalila ilyo aleya, ukulalolekesha kunuma. Kabili uyu mulumendo umunono umukote alyamfwile kuli ilya incende kabili alemufwishila amate. Kabili ulya malonda atile, “Nalaleka u . . . ulya mutwe wambwa ukuba pali ena, ku kushipila amate pa mfumu yandi?”

Davidi atile, “Mulekeni abe.” Mwamona, bali mufwishiile amate.

<sup>122</sup> Nalimo panuma ya myaka imyanda cine konse konse, bafwishile amate pa Mwana wakwe, Yesu Kristu, nao.

Kabili ileelo balefwishila pali Ena na kabili. Kwatifye ta Califye nangu . . . Ukwabulo mucinshi, ukwabulo kusakamana, bapilibuka imitwe yabo no kutaluka kuli Cena, nokumuseka. Mulandunshi cabele fi? Bali mu bwato ubuleya ku Tarshishi. Cilya efyo cili.

Ubu bwite kuli Lesa, mulingile ukubila ukususho bubi, bileni no kususha ulubembu, bileni no kususha ifintu ifyo ifili ifyalubana. Nomba, ibukisheni, efyo cikaba.

Imwe, namwishiba, ino nshita. Namwishiba, Ndi nama ora yabili ayapusana. Kabili mu Tucson yabafye ama miniti ikumi ukucila pa seven koloko, kabili—kabili cilikwati Ndefuma mu—kwati ndefuma mu ncende yandi kuno. Huh? Cilifye bwino.

123 Nomba ibukisheni, tukesa asukilapo pali cena. Ibukisheni, balya aba shipile amate Kristu balyaswiwe pali cena.

Lintu Davidi abwekele ukufuma mukufisama kwakwe, lintu ali imbutushi, kabili lintu abwelele, ibukisheni, uyu mulumendo awilile pa cinsu cakwe no kulilila uluse. Afwishile amate pali Davidi, ilyo aleya, lelo alifye mupepi uwaiteyanya nganshi ukusamba inkasa shakwe ne filamba, kabili, lintu abwelele.

Kabili ubushiku bumo balya abalashile Yesu bakacimona.

Kabili balya abale Mulasa ileelo baka cimona, nabo. Bena, ubushiku bumo, cikababwelela. Ibukisheni, Ukusokolola 22, Alefwaya ifwe ukusunga i Cebo icili conse ico Ena alembele; i Cebo conse.

124 Nomba natwishiba Icinso Cakwe cili pano. Cintu cashininkishiwa. Twali cikiwata. Tulecetekela, muli uyu mulungu uleisa, cikatwalilila ukushininkishiwa pakati kesu; abalwele bakaposhiwa, kabili ne fintu ifikalamba fikala citika.

Tatulefwaya ilyano ilya kulumbukwa. Tulefwaya Icline. Kabili tatufwaya, ifwe (tufwaya) tatulefwaya uku—tatulefwaya ukuba ku cintu icili conse kano ico Lesa asosa ukutila Cine. Lelo, “Beni abashininkisha ukuti imemba shenu lyonse shika musanga.” Nga tacakacitike pano, shika musanga pa Bupingushi. Eico muli—muli . . . Shika musanga ku ncende imo, nomba. Ee, mukwai.

125 Lelo nga uli mwina Kristu uwa cine, uwaitwa icine cine ngefyo Yona ali, Lesa alilipila kale pa bulendo bwenu. Fumenimo muli ubo ubwato ubuleya ku Tarshishi, ifyo fine. Lesa ali mulingile kalibela kuli ubu bumi. Ee, mukwai. Nga uli uwacine, umwana wakwa Lesa uwaitwa, isa kuli Kristu. Isa mu mwisulo Wakwe. Inshila yobe nailipililwa ukufika kwisa? Nailipililwa ukufika ku Nineva, te ku Tarshishi. Mwali lingilwa kalibela. Ubwato bwenu . . . Kuli ubwato ubwalaima nomba line, mu nshila ya buko. Eico kuli ko icintufye cimo icakucita, nineni muli bwena. Kabili nga mwali kwati ni Lesa, tamwa katale ukukwata umutende . . .

126 Kwati mwipwa wandi umunono, akashita akapitapo. Nalimo imyaka ikumi limo nomba, alyenda ukufuma uku na kulya. Ulucelo lumo aya kuli ili chalichi, ili chalichi lya Katolika ilyabela kwisamba kuno, kabili aya kuli ili pamulandu wa fyo taata umo uwa mushilo alanda kuno lubali, kabili umbi *kuno*, na umbi *kuno*. Finshi fyonse ifi fisa mukuba? Mwamona? Kabili nomba acili aleumfwa insala ne cilaka. Natile, “Incende yobe ili pa cipailo palya, we mwana.” Mwamona?

Takwaba inshila iya kufuminamo muli cena. Nga cakutila Lesa alikwitile iwe, kuti cawamafye waipelafye no kutwalilila. Epelafye.

<sup>127</sup> Ibukisheni, Lesa! Ukuba, Lesa ali mu bwato. Lesa ali mu mabimbi. Lesa ali mucisabi. Konse uko apilibukile, Lesa ali palya.

Mwamona, Lesa epo ali palya, kabili cikatwalililafye ukulakucusha. Eico ni cinshi tulelolela na kabili? Leken i tutendekefye uku kupuputulwa bwino. Cishinka! Ni cinshi ico imwe mulelolelapo? Twalicetekela ukutila Ukwisa kwakwa Shikulu kuli mupepi, kabili Ali no kukwata Nabwinga, kabili wena Uwaiteyanya. Kabili tatulefwaya ama bwato aya kuya ku Tarshishi ukuli konse. Tuleya ku Nineve. Huh! Tuleya ku Bukata. Amen. Ico cishinka. Tuleya kuntu Lesa aleya mukutupala, kabili ico eco tulefwaya ukucita.

<sup>128</sup> Ukwikala mu Cinso cakwa Lesa, lyena, ne mitima yesu; te maboko yesu, sana sana, lelo imitima yesu kuli Lesa, mpaka Atuwaminisha, ukupitulukamo no kupitulukamo, nga filya, no kubalika kwa bukata Bwakwe; kabili no kubika muli ifwe ubusuma Bwakwe—Bwakwe, no kupisha cilya ico twakwata, mu cintu icituntulu, mwamona, ukufika noko twingalangisha bambi ukuti Yesu Kristu wa mweo. Oh, owe! Tulefwaya ukucetekela cilya.

<sup>129</sup> Kabili ibukisheni, kuntu Yona aile, Lesa ali mu bwato; Lesa ali mu mabimbi; Lesa ali mwisabi. Atwalilile ukubafye na Yona mpaka ubufwayo Bwakwe ubwapwililika bwacitilwe. Ico cishinka.

Kabili nga Alatalilila uwakukonka imwe, kuti mwabela *apa*, kabili mwabela *palya*, lelo mukaba aba cululuka mpaka mukabwele no kutendeka ukucita icintu ico mwatendeki uku Mucitila pa kutendeka. Mwamona? Mwiesha ukuya, ukubutuka ukufuma ku Cinso cakwa Lesa. Ikaleni kuli cena. Mwalicetekela ukutila cena Cishinka, kanshi lekeni. . . Nga cakutila Cishinka, cintu calinga ukwikalilapo, ukucifwilapo, na fyonse ifyashala. Kabili nga Alitala uku cishininkisha kuli imwe, ukutila cena Cishinka, kanshi tekuti tubutuke ukufuma kuli cena, takuli. Ali nokubapo palya pene, cimo cine fye. Tekuti mucicite.

<sup>130</sup> Kuli kasesema Wakwe uo apela, ulya umu Alashike ukuya mukati mulya nokubila ilye mbila. Nomba, camoneke kwati nga Ali tumine kasesema umbi, lelo Alashike Yona; kabili nangu ni Eliya nga tacicitile; Yeremiya nga tacicitile; Mose nga tacicitile. Cali ni Yona uwalingile ukuya ku Nineve. Uyofye eka ewalipo kuli cena. Ali musontele no kumweba ukuya. Kabili ilyo Asosa, “Kabiye kulya, Yona, kabiye ku Nineve,” takuli nangu umu uwinga cita cilya kano Yona.

Kabili ilyo Lesa akweba icintu cimo, ulingile ukucicita; te muntu umbi. Mwamona, tulingile ukuba kuli cena, kabili, nokuya ukucicita.

<sup>131</sup> Twalicetekela ukutila tuleikala mu nshita lintu Lesa alecita icintu cimo. Twalicetekela ukutila tuleikala pakati kabo nomba.

Ndecetekela muno bushiku ndeshimikila kuli lulyo lukuta ulo—ulo ulwaikala, ukulolela kunse ukuti lwingapyafye. Na—Nalicetekela cilya nganshi, no mutima wandi onse. Kuti nasosa ukutila cintu cimo cine nomba ngefyo caleba lyonse.

<sup>132</sup> Nomba, twalicetekela ukutila inshita naifika ilyo Yohane Washila 14:12 ilingile ukufikilishiwa. Ifwe, twalicetekela ukutila Malaki 4 ilingile ukufikilishiwa. Twalicetekela ukutila Luka 17:30 ilingile ukufikilishiwa. Twalicetekela ukutila, yonse aya ama busesemo ayo Asosele yalingile ukufikilishiwa muli buno bushiku. Twalicetekela yalingile ukufikilishiwa, kabili twalicetekela tuleyamona yalefikilishiwa ino ine nshita. Ico cishinka nganshi.

<sup>133</sup> Lekeneni ukubutuka. Mwiesha ukufuma mu Cinsu Cakwe; endenifye mu Cinsu Cakwe. Ico cishinka. Kabili Ninjishiba ukutila ico eco mulefwaya ukucita. Pantu, Nimona ifitupa kunse kulya ukufuma ku Texas, kabili ku Louisiana, kabili na konsefyo. Ico eco tubelele pano, te kwesha ukubutuka ukufuma mu Cinsu Cakwe, lelo ukubutukila mu Cinsu Cakwe.

Bweleleni, fumeni pa . . . [Pali tepu tapali amashiwi—Kale.] . . . nga wali Yona, nga walesunguka ni nshila nshi wingayako nangu ifyo winga cita, isa kuno, nina mu bwato pamo naifwe muno bushiku. Tuleya kulya ku Tarshishi, ukuya bilikisha . . . nangu, Nineve, ukuya bilikisha. Tulebuleka bulyo bwato bwa ku Tarshishi ukutwalilila ukuya kulya nga balefwaya. Natukwata umulimo kuli Lesa, neyo, ni Mbila iyo twakwatilako umulimo.

<sup>134</sup> Eico muli uyu mulungu uleisa, icakubalilapofye icinono muno bushiku, kuku mwishibisha. Ilyo Ndebilikisha, Nabafye uwakwata umulimo pa Mbila, ba munyina. Imwe mwe bakashimikila mwebekela pano, Nshili pano ukumulenga ukumfwo ubi. Kabili imwe mwe banakashi na baume, pali uyu mulandu wa cupo no kulekena uleisa, Ndefwaya imwe ukwibukisha muno bushiku. Ninsosa fyonse ifi fintu, ukuleta ici kuli imwe, ukutila Nakwatafyo umulimo kuli Lesa.

Elyo kabili, nakabili, Ndi uwa mulimo kuli imwe, ku kumweba Icine. Kabili Nshamwebe icintu cimbi kanofye Icine, ilyo lyonse Lesa alenjishibisha ifyo Icine caba. Mpaka Naishiba Icine, Nshasosepo nangu cimo pali cena, mwamona, Nshasosepo nangu cimo pali cena. Lelo Ndecetekela ukutila Lesa anangishe Icine pa *Cupo No Kulekena*, kabili Ndesubila ukutila Ali nokunenga ukuileta pa mbilibili.

<sup>135</sup> Kabili ne Mbila shimbi isho Ndefwaya ukukwata uno mulungu, ni, *Nani Uyu Melkisedeki? Nikwisa Uko Lesa Asalile Ukubika Ishina Lyakwe?* Kabili ne fintu ifinono ifya pala nga filya, ishili ni Mbila ishileisa, no *Ubukali bwa Pakupapa*. Kabili—kabili ne fintu ifinono, muli—muli iyo imitantikile, kabili ku kupalanya ngo *Mwaume Ulesala Umukashi Wakwe*. Kabili ne

fintu ifinono, shilye Mbila, Ndefwaya ukushileta uno mulungu. Lelo Ndefwayafye ulukuta . . .

<sup>136</sup> Nikwisa, nga muliko kashimikila muno; Nshili pano, ba munyinanane. . . Nshilefwaya imwe, nangu imwe bamo ba membala, ukuya ku chalichi yenu, nokuya sosa, “Munyina Branham atile *ifi ne fi*.”

Nalikwato mulimo ku Mbila iyo iyapelwa kuli ine ukufuma kuli Lesa Uwapulamo. Ilyo Njiminine pano muno bushiku, kabili Lesa aliishiba ukutila cishinka, ukutila palya pene pali uyu mumana. . . Kuli abantu, nalimo, abekele muno, lintu ulya Malaika wakwa Shikulu aishile kulya kwine no kunjeba ifyo Acitile, palya pene mu 1933, umu mwine muli uyu musebo uwitwa Spring Street kuno. Nga muli abeni kuno, mukenshefye mulya. Ni pa cifutu ca musebo wa Spring Street, palya epo mukumanya umumana, kabili palya epo cacitike. Ico cali ni mu 1933. Limbi kuti caba imyaka amakumi yatatu na ibili iyapitapo, kanshi. Oh, caba amakumi yatatu- . . . caba amakumi yatatu- . . . imyaka amakumi yatatu naibili iyapitapo.

Kabili ica kutila ifyo Aleta cilya ukufika ne lelo, fyonsefye. Kabili twaliya mu ncende shimbi, ukutwala i Mbila, kabili twalimona abalwele ukuposhiwa, impofu, kabili na balemana, na balemana amolu, nefite, na fyonsefye. Elyo kabili nokumona na bafwa, abo twaishiba abo calembelwepo, ukubushiwa ku bafwa. Abantu balafwa, kabili balabushiwa nakabili ku bumi, kabili ne fintu fyonse ifi. Nga cakutila i Mbila yabilwa, kulabako ifishibilo ne fipapusho!

<sup>137</sup> Kabili mucili mulemona itontonkanyo limo line lilya isambilisho ilyakale ilyo mwaisa nalyo? Ilyo ilishafumine kuli Lesa. Lesa tekuti acitefye. . .

Lesaleesha ukuleta amano yenu ukutemunwa ku Cintu cimo.

<sup>138</sup> Elyo kabili lintu Yesu atendeke ukulashimikila, Atendeke ukundapa abalwele, no kulacita imilimo iikalamba ne fintu. Ena, lyonse, Ena. . . Yesu ali cicitile. Kabili Mose na Yesu bali cicitile, kabili na bonse abashala. Kabili lintu Ali pano, Ali cicitile.

Kabili Alecicita, icintu cimo cine ileelo. Nga Alenga kwaba ukulongana nga filya, ukupuputulwa, nokutendeka ukulongana mwisonde, kabili kulesa mukumokela ne fi fishibilo ifikalamba ne fipapusho. Elyo kabili mulesa mukumona, ukubwekela, ilya line isambililo lya kale limo line, kulabako—kulabako icintu cimo icalubana kulya pa cifulo cimo. Kuliko icintu icipya icileletwa! Lintu Yesu aishile monekela, panuma, lintu. . .

<sup>139</sup> “Ena ni rabbi umusuma.” Kuti Aya ku cintamba icili conse no kushimikila, ilyo Aleposha abalwele. Ilyo, oh, baletemwa ukumukwata Ena kulya bali.

Lelo ubushiku bumo ilyo Aikele panshi, no kutila, “Ine na Taata Wandu twaba Umo,” munyina, Tali uwalumbukwa panuma yacilya. Ilyo Atile, “Kanofye mwalya umubili Wandu, no kunwa u Mulopa Wandu, tamukwete u Mweo muli imwe. Lelo uyo uulya umubili Wandu, no kunwa u Mulopa Wandu, nakwata u Mweo uwa muyayaya; kabili Nka mubusha mu bushiku bwa kulekelesha.” Lyena, Tali uwalumbukwa ukutula lilya.

<sup>140</sup> Batile, “Uyu Muntu ni mulya bantu. Uyu Muntu ni Beelzebuli. Enshila Acitilamo filya fintu. Kuti Alanda pa fyaleisa mukucitika. Aloleshe mukati ka mano ya—yabo no kulingulula amatontonkanyo yabo. Aba ni kabuka.”

Lelo, fintu cali, Ali—Ali i Cebo cakwa Lesa ukulangishiwa pali ilya inshita. Kabili Ali uwakubomba incito. Atile, “Ndacita lyonse ico icaba icakusekesha kuli Taata Wandu.” Lesa atwafwe ukucita icintu cimo cine, ukucita cilya icilesekesha kuli Taata.

<sup>141</sup> Kabili Ndesubila imwe bonse muli no kuumfwa. Nga tamulesuminishanya na ine pali ishi i Mbila ne fintu, ukutula mulingile ukwibukisha, kwena kwatenikofye uyu mucinshi, ukuti Ninkwata umulimo, kabili Nshileya ku Tarshishi. Ndi munshila iyakuya ku Nineva, kabili Ni—Ningile ukubila. Shikulu amupale bonse.

Katukontamike imitwe yesu nomba pa kashitafye.

<sup>142</sup> Ilifye mupepi no kukwana naini-sate. Nshilefwaya ukumuteka, lelo Ndefwaya ukusanga ici nga kuti Nacita, muno bushiku. Bushe muliko bamo muno abo—abo abashaba muli Kristu ngefyo balingile ukuba, lelo kuti mwa—mwafwaya ukubamo, kabili mulekabila ukubamo, bushe kuti mwaimya fye ukuboko kwenu, no kusosa, “Munyina Branham, mpepelako”? Lesa amupale, loleshenifye amaboko. “Nde—Ndefwaya . . . Ndi pano, Munyina Branham, ukupalama sana kuli Lesa.”

Kabili nga namwimya umutwe wenu, ukuboko kwa—kwandi kuli pa mulu, pamo. Ici eco Mbelele pano. Ndi nensala, nga fintu imwe muli.

<sup>143</sup> Lelo, oh, ubushiku bumbi, icintu cimo icawamisha nganshi calicitike, kabili Ni—Ninjishiba nomba ifyakucita. Kabili Nde—Ndepepa ukutula Lesa alamupela kulya ukumfwikisha ukwapwililika. Epo kuli. U . . . Nga kuli ilipusho mu mano yenu, kulingile kwabako ubwasuko ku cifulo cimo, ku kwasuka kuli lilye lipusho. Ipepo lyandi, lyakutula, Lesa amupele ukumona lilye lipusho ukwasukwa mukati ka ino nshita.

<sup>144</sup> Nga na mulwala, Lesa enga muposha. Tuli no kukwata ukulongana kwa kuposha, Ndemoni, mucituntulu cila nshita ya bushiku, kabili tuli no kupepelela abalwele. Tuli nokucita icili conse ico twinga cita ku kumwafwilisha, kabili naimwe mucite icili conse ico mwinga cita ku kutwafwilisha. Kabili tuli no kubombela capamo, ukucetekela ukutula Lesa ali no kutupela ukulongana ukukalamba.

<sup>145</sup> Nomba, Taata Lesa, aya mashiwi ayanono ayashasuntinkana, lelo yali mu maboko Yenu nomba. Shikulu, yena nayalandwa. Ningile ukuyakumanya. Kwatifye... Yalya amashiwi tekuti yafwe; yaleya ukulashinguluka no kulashinguluka isonde, ukusungwa, kabili ubushiku bumo Nkesa yomfwa umuku naumbi nakabili. Ninjishiba ici, Shikulu, kabili Ndecisosa no bufuma cumi bonse.

<sup>146</sup> Ndepepa, mwe Lesa, muno bushiku, pali umo umo muli aba, abana Benu. Kabili, O mwe Lesa, Ndetetekela, lintu umulungu taulapwa, bali—bali no kuumfwa; ukutila ilipusho, ilyo ilyaba ilikalamba nganshi mu mano yabo muno bushiku, lili no kupwishiwa. Cipeleni, Shikulu.

<sup>147</sup> Kuliko bamo muno abashamwishiba Imwe, Taata, nga Kapususha, na nomba, nangu limbi tabatala ukwisushiwa na Mupashi wa Mushilo. Leken i no ibe ilye nshita ya bushiku.

<sup>148</sup> Shikulu, tekuti Njisushe umuntu nangu umo na Mupashi wa Mushilo; nangu kuti Napususha uuli onse. Kuti Nabebafye ifyo Mwasosele, “Balishuka abo bakwata insala ne cilaka ca bulungami, pantu bakesushiwa.” Kabili Ndepepa, mwe Lesa, ukutila Mwalalenga insala iyaibela mu mitima yabo.

Abengi, Shikulu, balingile ukuba ne nsala; kuti baenda shani ne myotoka aya ma mailoshi imyanda, ukupita mumenshi makasa na fyonsefye, kabili mulya mu mpili umulokele, kabili ukuciluka amatololo, ku kwisa ku ka ncende akanono akaba pano pa cifutu! Elyo na kabili Ndetontonkanya, Mwatile, “Ukuli Inama iipaiwe, bakapumpe bali no kulongana.” Tulisheni, Shikulu, pali Manna Wenu uwa Bulesa. Peleni ku myeo yesu cilya ico tulekabila nganshi. Tuli necilaka pali Imwe, Taata. Tuli mu maboko Yenu nomba.

<sup>149</sup> Leken i u Mupashi wa Mushilo uukalamba uyo uwaikile pa lupili ubushiku bumbi pa mulu palya, Ndepepa ukutila Ala afwilisha umutima onse muno no busuma Bwakwe no luse, no kwiluka. Tulemona, Taata, ico eco tulekabila, kukwata ukwiluka. Pantu nga tatwishibe ico tulecita, lyena musangoshi twingeshibilamo ifyo twinga cicita? Lelo tulingile ukukwata ukwiluka. Nge fyo Daniele asosele, aishile “mukwiluka ku Fyalembwa na kasesema Yeremiya.” Kabili, Taata, twalikwata ukwiluka ku Fyalembwa na Mupashi wa Mushilo, nge fyo Ali noku Fisokolwela kuli ifwe muli ino ora. Peni kuli ifwe, Shikulu, ukukabila uko twakwatila Imwe. Mu bufuke tulelomba ici, Taata, ku bukata Bwenu, mwi Shina lyakwa Yesu Kristu.

<sup>150</sup> Nomba ne mitwe yesu iya kontamikwa. Ilyo nkashi yesu alelisha, lulya, “Ali no kumpela inkumbu no bukata, no kuya naine mu bulendo bonse.” Ndefwaya imwe ukupepafye umutalalilwa nomba no kwipusha Taata wa mu Myuulu ukutila Alapela kuli imwe, muno bushiku, cilya ico mulekabila.



<sup>151</sup> Munyina umutemwikwa, nkashi umutemwikwa, Alifye mupepi ngefyo ukuboko kwenu kuli kuli imwe. Imwe, mwalincetekela mu—mu fintu fimbi, nctekeleni muli ici. Ali pano ku ku mupela conse ico mulekabila.

<sup>152</sup> Oh, pa milungu iyapita Nali ne nsala sana, ne cilaka sana, ukufulukana sana ku mwesu, ku kwisa mukumumona imwe. Uyo e mulandu Nasosele ukutila, “Billy, natuleya ku mwesu.”

Meda atile, “Cinshi ulefwaila ukubwekela kulya, muli cilye calo icatalala na kabili, Bill? Lyonse ulakwata ifilonda pa mukoshi na fyonsefye. Lyonse nga waiza, na ulwala icifine, kabili ne shiwi nalikoma, kabili tekuti ulande na bwino.”

<sup>153</sup> Natile, “Ukuba, Nshaishiba.” Natile kuli ena. . . Ndemoni umunandi, Charlie Cox, uyo wikele kunuma kulya. Natile, “Ndi uwakabila nganshi ku kuumfwa Charlie ukusosa, ‘Kalya kapale akanono kaninine cilye cimuti pa mulu palya.’ Ndakabila sana ukucumfwa cilya.” Nde—Ndefwayafye uku—ukufwaya ukuba mupepi naimwe.

<sup>154</sup> Ninjishiba Munyina Banks alilwele sana. Kabili Nalimwene icimonwa ca pali ena, kuno tekale sana, kabili alilele nasenama. Kabili Naliishiba kwashelefyeye panono ukutusha ifwe, nombaline. Nga Nalolekesha kuli imwe mwe bapusana pusana. . .

<sup>155</sup> Nalingilemo inshita imo iya bushiku, ku musonkano wa ba Shimakwebo abena Kristu, kabili ukusangwa monse mufyalo. Umukote “Pop” Shakarian, wishi wakwa Demos, aleikalafye mulya no kutwalilila ukulalekesha mpaka Naisa ingila, lyena alemwentula, kabili kulyo kusokonesha ukunono ena alesokonesha kuli ine. Talimo mulya. Aliya.

Elyo Nalingile ukwisa kuli lulyo lupwa, na EFYA SOSA SHIKULU, umwana wabo umwanakashi ali no kufwa, pamo. Florence, Nalimumwene mu cimonwa, nalimumwene ukuya. Kabili Ninjishiba ali no kuya. Kabili Natile, “Pepeni, mupepe fye. Namwishiba kwaliko. . . Kasesema inshita imo bali mwebele ukuya eba imfumu ukuwanye ng’anda yaiko. Kabili alipepele kabili Ena alengele ubumi bwakwe ukutwalilila, pa myaka ikumi limo na isano.” Natile, “Mupepe.”

<sup>156</sup> Lelo, mulolekeshe, kabili Na—Nalibwelele. . . Naliikele mulya mu restaurant, ubushiku bumbi, ndelya. Umwaume aishile kuli ine, atile, “Bushe te iwe Billy Branham?”

Natile “Ee.”

<sup>157</sup> Limbi ena tanjishibe ine, pantu *ici* apa apabela ipala pa mutwe wandi. Nalifwele aka kasote akanono aka mushishi, uku nga fwilisha ukukana kwata ifilonda ifya pa mukoshi mushita iyi iyakulongana.

Kabili aishile kuli ine, atile, “Nacitontonkanya ukutila Nali kwishiba, Billy.”

Natile, “Ee.” Natile, “Niwe ani?”

Atile, “Nine John Warman.”

Natile, “Nga Zip alishani?”

Atile, “Billy, alifwa.” Uh!

<sup>158</sup> Naleyana ndepita mu cikulwa ca milandu; naile mukulipila imisonko yandi. Ukulafuma mulya mu cikulwa ca milandu, kabili umwanakashi alimbilishishe, kabili atile, “Bushe walishiba ukuti Yohane aliya?” Nangu, ishina limo. Limbi talyali ni Yohane; Ed, nangu ishina limbi. Kabili Natile... Nshamwishibe umwanakashi. Nalyumfwile insoni. Kabili ukwizasanga, Nshaishibe uo ali ena.

Atile, “Bushe uleibukisha inshita imo iya bushiku ubwabipisha lintu umumana waiswile na mululamba kuno lubali, kabili na mayanda yalesendwa, kulya ku Musebo wa Chestnut, kabili tawasakamene ubumi bobo ku kuya mu ncende ya musango ulya no kuyasenda umwanakashi na bana bamo abanonono ukubafumyamo?”

Natile, “Bushe niwe?”

<sup>159</sup> Atile, “Ni—Nine ulyo mwanakashi.” Atendeke ukulalilila akanya kakwe; mwaliishiba ilyashi lyandi. Atile, “Ulya uo Naitile ‘akanya kandi,’ aliupwa kabili alikwata ulupwa.” Mwamona? Kabili uyu ali pano, umukote kabili nemfwii; kabili ine Ndi pano, pamo.

<sup>160</sup> Umo na umo, amakadi yesu yalafumishiwa pa lwino, ngefyo cali. Kabili twalikwata ukulongana, kabili Ndalufya *uyu* umo, ukulufya *ulya* umbi. Bonse tulingile ukwisa luba, ubushiku bumo muli ishi nshiku.

Lelo, munyina, nkashi, kwalibako Incende iya kulonganinako. Lekeneni tube abashininkisha nombamba ukutula tuli abalungama. Bushe mwilacita? Mwileka ukwiluka kwesu konse pali Lesa, na fimbipo, ukonaika. Lekeneni tucetekele.

<sup>161</sup> Taata, bali mu maboko Yenu. Ndi mu maboko Yenu, Shikulu. Tulifye muno mukulashikwa nombamba, ku kuitayanya pa kulongana ukuleisa uku katendeka mailo munshita ya bushiku. Shi Mwinga twafwilisha, Shikulu? Lekeneni ukwesu—lekeneni ilyashi lyesu lileba lyonse pali Imwe! Lekeneni imitima yesu na mano yesu ye kale pali Imwe, kabili Mwatile Muli no kutusungana mu mutende uwapwililika. Kabili cali lembwa muli Baibele, “Mwishintilila ku kwiluka kwenu mwebene.” O mwe Lesa, tatulefwaya ukwiluka kwesu; tulefwaya ukwiluka Kwenu. Kupeleni kuli ifwe, O mwe Lesa. Kabili lekeneni ukupuputulwa kwise mu myeo yesu mpaka ili bumba lya bantu likabe fye umutima umo no kuba capamo. Cipeleni, Taata. Peleni ifi fintu, lintu tulepepa mwi Shina lyakwa Yesu Kristu.

Mpaka umweo wandi uwasumbulwa ukasange  
Ukutusha kwi shilya lyamumana.

Pa capindama, pa capindama,  
Pabe ukusumbulwa kwandi . . .

Lekeni twimye amaboko yenu.

. . . pe;  
Mpaka umweo wandi uwasumbulwa ukasange  
Ukutusha kwi shilya lyamumana.

Yesu, munsunge pa capindama,  
Kwaliba Akafukauka akasuma,  
Akabula umutengo kuli . . . (Ee, Shikulu,  
akabula umutengo.) . . . umulonga  
wabundapishi,  
Upongoloka ukufuma ku Kafukauka kaku  
Kalbale.

Pa capindama, pa capindama,  
Pabe ukusumbulwa kwandi pe;  
Mpaka umweo wandi uwasumbulwa ukasange  
Ukutusha kwi shilya lyamumana.

<sup>162</sup> [Munyina Branham atendeka ukungw'ingw'inta *Mupepi Ne Capindama*—Kale.] O mwe Lesa! Nga kuliko umu muli imwe uuleumfwa ngo kwisa kuno no kufukama panshi ukushinguluka icipailo, nga mulefwaya fye ukwisa, soseni, “Nshili apo Ningile ukuba, Shikulu. Nde—Ndefwaya uku isangulula cipya cipya. Ndefwaya ukucicita muno bushiku, Shikulu.” Muli abasengelwa ukwisa. Twalaba pano ukupepa naimwe.

Pa capindama, pa capindama,  
Oh, pabe ukusumbulwa kwandi pe;  
Mpaka umweo wandi uwasumbulwa ukasange  
Ukutusha kwi shilya lyamumana.

Yesu, nsungeni mupepi necapindama,  
Kwaliba Akafukauka akasuma,  
Akabula umutengo kuli bonse, umulonga  
wabundapishi,  
Upongoloka ukufuma ku Kafukauka kaku  
Kalbale.

Pa capindama, pa capindama,  
Pabe ukusumbulwa kwandi pe;  
Mpaka umweo wandi uwasumbulwa ukasange  
Ukutusha kwi shilya lyamumana.

<sup>163</sup> Katupepefye, cila umu mu nshila yenufye nomba. Labenikofye—fye ku nshita. Katukontamikefye imitwe yesu mu Kubapo Kwakwe. Uyu mukashana umunono pano, alelila, “Nali Kutemwa, Yesu!” Muleibukisha lintu mwa pusushiwe, imyaka iingi iyapitapo, muleibukisha ifyo cilya cali icawama kuli imwe? Ali fye uwawama filya fine muno bushiku. Katupepe, bonse mu nshila yenu nomba. Lekenifye—lekenifye tuisangulule kuli Lesa, ukuilashikafye fwebene kuli Shikulu.

<sup>164</sup> Mwebasuma Shikulu Yesu... [Pali tepu tapali amashiwi—Kale.]

Akamana ka kutalalika kwandi konse,  
 Ukucila pa mweo kuli ine,  
 Nani umbi Nakwata pesonde ukufumyako  
 Imwe?  
 Nangu nani mu Muulu lelo Imwe?

Mwe Lesa, tulepepa nomba ukuti uluse Lwenu ne nkumbu fyalatumwa pali cila umu umu muli ifwe, Shikulu. Tuli pano ukushinguluka icipailo. Abengi tekuti bese; Muli no kubakumanya pa fipuna fyabo. Conse ico tulepela, Shikulu, Muli abaipelesha uku cipokelela. Nga kuti twa Mupelafye inshita yesu, Muli no kuipokelela; italanta, Muli no kulipokelela. Lelo, Shikulu Lesa, ino inshita ya bushiku tuleya ukucila pali cilya, tulepela fyonse fintu twaba. Fyonse fintu Naba, fyonse ifyo Nsubila ukuba, fyonse fyaba muli Imwe, Shikulu. Tulepepa ukuti Mwalasenda aya, amapepo yesu, mukati ka mutima Wenu, Shikulu, kabili tupeni ukushika ukukalamba ukwa Mupashi wa Mushilo, ukuti ubumi bwesu bukapilibulwe. Pantu, tulemona ukutila tuli mupepi na kumpela nomba. Tekuti pabe ukukokola na kabili. Kabili ilyo tulemona abatemwikwa besu ukulaya, ubushiku no bushiku, abacea na bakalamba, natwishiba ukutila nomba line ilingile uku konkosha pa fiibi fyesu. Kabili muno bushiku, Shikulu, lintu tucili mu mano yesu aya tuntulu, natwikala muno, nangu ukufukama muno, ukwiminina muno, umusango uuli onse tubelelemo, tupokeleleni, Shikulu Lesa.

<sup>165</sup> Nsendeni, Shikulu. Nshili nangu cimo, lelo fyonse fintu Ndi, Shikulu, nga kuti Mwakwatamo cimo icakubomfya muli ine, Ndeilashika ne mwine kuli Imwe.

<sup>166</sup> Napepelako, mwe Lesa, cila umu uwa aba. Aba bantu abatemwikwa abo Naiminineko kulya mu mpili mu Arizona no kuba lililako, kabili pano nabafukama ukushinguluka pamo na ifwe muno bushiku, ukupepa, ukusangulula ubumi bwesu. Twali Mutemwa, Taata, ukucila ubumi bwesu fwebene. Twali Mutemwa ukucila indupwa shesu. Twali Mutemwa ukucila abakashi besu, abana, tata, mayo, nkashi, munyina, umulume, umukashi. Twali Mutemwa, Shikulu Yesu. Lengeni cilya ukuba icituntulu sana mu mitima yesu, Shikulu. Itilenimo amafuta aya kusekelela, uno mulungu, Shikulu, mu myeo yesu. Mutusambe, ukusambwa ne Cebo, ku menshi ya Cebo, ukwakanya kuli ifwe Iceine.

<sup>167</sup> Abengi muno bushiku, Shikulu, kabili bali no kuba kuno, abo abafulanganishiwa pali aya masambililo ayaba ayakankala nganshi. O mwe Lesa, isuleni kalya kafukauka mu ng'anda yakwa Lesa, akabelako—akabelako ukutuwamya. Ndepepa, Lesa, ukutila Mwala tusamba no kutusangulula mu Mulopa Wenu, no kutulenga ifibumbwa fipya. Kabili tupeleni inkumbu

na maka, ku kuleta i Cebo ca Cine mu busokololo bwa Ciko bwa Bulesa ubwa Buntu bwakwa Yesu Kristu.

Lekeni Amonekele kuli ifwe, Shikulu. Lekeni Ese no kuposha amalwele yesu, no kutulekelela imembu shesu, isusheni imitima yesu iyansala ne fintu ifisuma ifya nsansa ishikalamba, i Mbila nsuma ukulangishiwa mu bumi bwesu.

Paaleni pastor onse, kembisha wa nyimbo onse, na kasambilisha onse uwa Sunday sukulu. Tupaleni bonse, capamo, Shikulu, pantu mucine cine twali Mutemwa. Kabili nomba tuli Abenu, Shikulu, muli uku kulashikwa. Mwi Shina lyakwa Yesu Kristu, tubomfyeni nomba ukulingana no bufwayo Bwenu Mwebene.

Icicetekelo candi cilolesha kuli Imwe,  
Mwe Mwana wa mpaanga yapa Kalbale,  
O Kapususha wa Bulesa;  
Nomba mung'umfwe ilyo Ndepepa,  
Sendeni shonse imembu shandi  
ukushifumyapo,  
O lekeni ine ukufuma ileelo  
Mbe umupwilapo Uwenu!

Mwalitemwa ico? Katwimbe na kabili.

Ilyo Nyenda mu mfifi ya mweo,  
Nobulanda bwanshiguluka ine,  
Oh, Mube Katungulula wandi;  
Ukulenga imfifi ukusanguka akasuba,  
Mufumyepo ifilamba fya kucula,  
Kabili lekeni niye iciyeyeye  
Ukufuma kuli Imwe.

Bushe ico cilemulenga ukumfwa bwino? Nibanga abatemwa ukwimba shilye nyimbo shakale? Nalishitemwafye. Bushe imwe tamwashitemwa?

Oh, tuleya ku Sioni,  
Iisuma, iisuma Sioni;  
Tuleya kumulu ku Sioni,  
Ulya Umusumba uusuma uwakwa Lesa.

Oh, tuleya ku Sioni,  
Oh, iisuma, iisuma Sioni;  
Tuleya kumulu ku Sioni,  
Ulya Umusumba uusuma uwakwa Lesa.

Iseni, ifwe fwebatemwa Shikulu,  
Nokuleka insansa shesu shishibikwe,  
Tuibimbe mu lwimbo no kwampana ukusuma,  
Tuibimbe mu lwimbo no kwampana ukusuma,  
Kabili ifyo fine tushinguluke Icipuna ca  
bufumu,  
Kabili ifyofine tushinguluke. . .

Nomba, katwiminine nomba ilyo tulelwimba. Poshanyeni umu no munankwe.

. . . tuleya ku Sioni,

Akupale, nkashi! Akupale, nkashi! Akupale, munyina! Akupale, nkashi!

Ulya Umusumba uusuma uwakwa Lesa.

Katwimye amaboko yesu nomba kuli Lesa.

Oh, tuleya ku Sioni,  
Iisuma, iisuma Sioni;  
Tuleya kumulu ku Sioni,  
Ulya Umusumba uusuma uwakwa Lesa.

Oh, tuleya ku Sioni,  
Oh, iisuma, iisuma Sioni;  
Tuleya kumulu ku Sioni,  
Ulya Umusumba uusuma uwakwa Lesa.

Bushe ico tacilemulenga imwe ukumfwa bwino? Owe, owe! Oh, lekenifye twimye amaboko yesu noku Mulumbanyafye mu nshila yesufwe bene.

<sup>168</sup> Shikulu Yesu, Imwe mwe Luba lya mu Sharon, Cananika uwamu Mupoka poka, Ulutanda ulwa Buta kabili ulwa Lucelo, Uwawamisha pa makana ikumi ku mweo wandi. Imwe mwe Kamulonga ka busuma bwandi bonse, ukucila ubumi kuli ine! Ifyo twa Mutemwa! Tumfweni, O mwe Shikulu. Ifyo tule Mitotela! Oh! [Pali tepu tapali amashiwi—Kale.] Ifyo tule Mulumbanya! Paleni aba, Shikulu Wesu uwawamisha kabili Kapususha! Peleni ifi fintu, Shikulu. Fipeleni . . . ? . . .

. . . mupepi necapindama,  
Pabe ukusumbulwa kwandi pe;  
Mpaka umweo wandi uwasumbulwa ukasange  
Ukutusha kwishilya lyamumana.

<sup>169</sup> Munshila imo, naimbi, Ndeumfwa fye tuleya . . . Kuliko icintu cimo icilifye ku ntanshi yesu. Nomba, ibukishenifye, Ndecetekela Ndesesema. Insansa ishikalamba shili kuntanshi. Cicetekeleni. Ico cishinka. Imitima iingi iyabulanda ikalengwa . . . Inkama ishikalamba shikaletwa pa mbilibili, kabili abantu abali no bulanda bakalengwa ukusansamuka.

Mupepi necapinda, pa capindama,  
Pabe ukusumbulwa kwandi pe;  
Mpaka umweo wandi uwasumbulwa ukasange  
Ukutusha kwishilya lya mumana.

<sup>170</sup> Nga Yohane uwakale, lintu aishileba umukote nganshi ku kushimikila, kuti aikalafye no kupunda, efyo banjebele, na maka yakwe yonse, “Mwe bana abanono, muletemwana umu no munankwe!” Muletemwana umu no munankwe. Mwileka nangu cimo ciise pakati kenu, mwamona. Talusheni fyonse,

ifintu fyonse kuli . . . Ee, te mulandu fintu cili, lolekeshenipo pali cena. Tuli mu bulendo bwaku Nineve. Mwamona? Mwiya muli bulya bwato ubwakale bwa ku Tarshishi, bulya bulemufumya mwi bumba. Leken i twende ukuyafye mu ka mulonga ka mapalo yakwa Lesa. Ndecetekela tuli no kuya kwata. Ndecetekela Shifwe.

<sup>171</sup> Ndeumfwa bwino nomba, nkashi? Ico cisuma. Filya efyo Mfwaya ukumona abana ukufyalwa, kulyo ukwingilamo.

Kuti natontonkanyafye imyaka iyapita, pali shino shine i mansa, niyanga amakana ubwingi abo abafyalwa mukati ka Bufumu bwakwa Lesa, pano pene pali uyu mushili. Tatwaishibe sana, lintu twaiminine pano na ma cents amakumi cine konse konse mwi tumba lyesu, ukukulilako ulukuta! Oh, Atile, “Ine ne Yehoba ni nei byalika; Nka citapilisha akasuba no bushiku.” Kabili Ali cicita. Ali cicita.

Lesa amupale. Nomba lintu twalakontamika imitwe yesu. . .

<sup>172</sup> Nomba, mailo mu bushiku, ibukisheni, ukulongana kukabela pa cikulwa capa sukulu kuno. Kabili nga. . . Tuli no kutumako umo kulya nomba, ku kulangisha abantu ifya kufika kulya, pantu abapya bakesako.

<sup>173</sup> Mwali Mutemwa, soseni, “Ameni.” [Ulukuta lwatila, “Ameni.”—Kale.] Oh, bushe Tawama?

<sup>174</sup> Naliiminine kulya ku lulamba lwa mumana, nokwimba lulyo lwimbo ulwakale:

Kululamba lwa Yordan wamabimbi  
Naiminina,

Tontonkanyeni, ici cili imyaka amakumi yatatu iyapitapo, amakumi yatatu na-itatatu iyapitapo.

Nokutonte linso lye subilo,  
Ku Mpanga ya Kenani iyawama kabili  
iyabuseko,  
Ukwaba ifikwatwa fyandi.

Kabili abengi Nabatishe, cilya cungulo bushiku, bali kulya lubali nomba. Lintu, baiminine palya no kumona lulyo Lutanda lwa Lucelo luleika ukufuma mu myulu, ukulashinguluka ngefi, atile, “Ngefyo Yohane Kabatisha atuminwe ku kuleta, ku kutangilila ukwisa kwa ntanshi ukwakwa Kristu, i Mbila yobe ikatangilila Ukwisa kwa cibili.” Kuti ca tontonkanishiwa shani? Lelo, Ifyebo fyonse ifya kwa Lesa fya cine, Ifyebo fyonse ifya kwa Lesa. Tuleikala mu Cinso ca ilye Mfumu ikalamba. Lesa amupaale.

<sup>175</sup> Ilyo tulekontamika imitwe yesu, Nalaipusha Munyina Neville, pastor wesu umusuma, ukwisa kuno nokwisa tusalanganya mwipepo.

Lesa akupale, Munyina Neville.



*UMUNTU UKUBUTUKA UKUFUMA KU CINSO CAKWA SHIKULU* BEM65-0217  
(A Man Running From The Presence Of The Lord)

Iyi Mbila na Munyina William Marrion Branham yaletelwe intendekelelo mu Cingeleshi pali Citatu mu cungulo bushiku, Kabengele kakalamba 17, 1965, pa Branham Tabernacle mu Jeffersonville, Indiana, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2023 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)



## Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)